

四庫全書

子部

欽定四庫全書

子部  
龍筋鳳髓判卷三

詳校官中書<sub>臣</sub>金應琦

員外郎<sub>臣</sub>牛稔文覆勘

覆校官中書<sub>臣</sub>方大川

校對官助教<sub>臣</sub>卜維吉

謄錄貢生<sub>臣</sub>繆濂

欽定四庫全書

龍筋鳳髓判卷三

唐張鷟撰

明劉允鵬注

修史館二條

唐初令狐德棻請條近代遂令棻修撰而修撰名始於此唐史館四人掌修國史

監修國史

唐宰相四人內人帶監修國史

劉濟狀稱修史學士

李吉甫多行虛飾不據實狀有善不勸有惡不懲

得財者入史無財者刪削褒貶不實非良史之體

觀龍演卦

尚書大傳伏羲王天下龍馬出河因其文以畫八卦

未聞記事之書

崔豹

古今注牛亨問形管何也學鳥為文三藏法師傳觀鳥

答曰史官用形管以記事製法泣麟數典史

記蒼頡觀鳥跡始立載言之典禮記曲禮云史

像之以作文字始立載言之典禮記曲禮云史

哭毛詩依彼平林毛萇傳云平林林木之在平地者也

初故經籍所以鬱興華嶠後漢書學者稱東觀謂經籍

夜哭名也佛藏辯偽錄伏義始畫八卦

造書契以代結繩之政由是文籍生焉故有青邱歎府

三皇刻石之文綠檢黃繩六甲靈蜚之字後有蒼頡因

而增製隋潘徽韻纂序繩用既息墳籍注焉曹植贈徐

幹詩文昌鬱雲興李善注云鬱出也興起也劉人本觀

書賦玉牒石記銀書金中山兔悲史記蒙恬取中山兔

字煥矣不窮邈乎昭脩毛造筆王羲之筆經

漢時諸郡獻兔毫惟趙國毫中用許慎淮南子注

鬼夜哭鬼或作兔兔恐其取毫作筆故夜哭也翰墨

由其駿發

魏文帝典論論文古之作寄身於翰墨毛詩駿發爾私注云駿大也

紀功紀

過

晉書天文志云東一星曰柱史主紀過

沮誦肇之於前

世本黃帝始立史官蒼頡沮誦

居其職

繫月繫時

杜預左傳序記事者以事繫日以繫月以月繫時以時繫年

遲任蹤

之於後

尚書盤庚云遲任有言鄭元注云遲任古之賢史

莫不懲惡勸善

春秋左傳

之稱懲惡而勸善

激濁揚清

尸子水有四德揚清激濁義也

千載觀其昏明

陸機

文賦收百世之闕文探千載之遺韻

一字成其褒貶

杜預左傳序春秋雖一字為褒貶然皆須

難句以成言

吉甫緹紬藏室

晉書陳壽等傳論云王者咸建史官因謫緹紬作程邈世許氏

說文緹幔帛赤黃色也唐代宗護國仁王經序緹紬月集文字無差華嶠後漢書學者稱東觀為老氏藏室注

云老子為守藏吏又為柱下史四方所  
記文書皆歸柱下謂東觀經籍多也

握槩詞林

西京雜記

揚子雲好事常懷鉛提槩謂以鉛刻於槩槩以木為之  
長三尺周庚信趙國公集序遂得棟梁文囿冠冕詞林

遵直筆於南史

左傳太史書崔打裁其君殺之弟嗣書又殺之南史執簡以往跨高蹤

於東觀

蔡邕表陽碑邀矣高蹤孰能刻茲宋書百官志云東京圖書悉在東觀名儒碩學入直撰述

理須抑揚訓誥斟酌典謨

謂伊訓湯誥堯典禹謨等書也揚子法言或曰良玉不彫

美言不文何謂也曰玉不彫瑤璆不成器言不文典謨不作經辨而不華質而不俚書

司馬傳論云辨而不華質而不俚其文退不隱惡慕周  
直其事核不虛美不隱惡故謂之實錄

舍之堅貞

韓詩外傳趙簡子有臣曰周舍立於門下三日三夜簡子問其故對曰願為諤言臣操牘

秉筆從今之後思君過而書之周  
王褒太保尉遲綱碑賡貞之操

進不虛美追揚雄之

故事

後漢書盛稱虛美潘岳西征賦勒東岳以虛美王  
允論衡揚雄作法言蜀富賈人齎錢十萬願載於

書雄不聽曰大富無仁義猶園何得文隨意曲筆逐情  
中之鹿欄中之羊也安得妄載

偏陸機文賦文不逮意南史恩幸傳論云左  
臂揮金右手刻字紙為銅落筆由利染非左氏之

三家

唐書蓋文達明春秋三家武  
德中為秦王文學館直學士有劉公之一獎即題

中監修國史劉濟也尊之故  
稱公一獎謂其狀云云也密會王道之輩聞而不言

隱惡也  
潛濟生人之徒捨而不錄無財者  
刪削也阿附宰相貴虛

飾以佞一時

晉書袁宏為東征賦末稱過江諸名德獨  
不載桓彝桓溫甚怒謂宏曰何故不及家

君宏即答云風鑑最朗或搜或引身雖可亡諂事明君道不可墮宣城之節信義為允桓泣然而止

尚虛名而誇六國

戰國策秦王與中期爭論而不勝王大怒人為中期說王曰中期適遇明

君故也遇禁紂必殺之矣王因弗罪

貪迷冠冕遺衛霍之元勲競敘婚姻

忘良平之上策

北史魏收撰國史揚惜曰論及諸家枝葉姻親為繁碎收曰往因中原散亂人

士譖賂遺逸畧盡是以具書其枝派於是眾口誼然號為穢史

有青鳬之鰕則倍事抑

揚

搜神記南史有蟲得子以歸則母歸來就之殺母遂子用錢貨市旋則自還故淮南術以還錢名曰青鳬

孟康漢書注鰕錢貫也

乏黃鳥之金則輒加刪削

與范永康王贖井上有一洗浣

石時見赤氣後胡人寄宿求買之未及度錢子婦孫氏親二黃鳥關於石上疾往掩取變成黃金胡人不知既

得撞破石內正  
空中二鳥處

就腐刑於漢室便作謗書

漢書司馬遷  
犯罪請就腐

刑修史記後漢書蔡邕被收衆矜救以為當續成後史  
司徒王允曰武帝不殺司馬遷使作謗書流於後世邕

遂死  
獄中求斛米於梁州輒成佳傳

語林陳壽將為三國志  
謂丁梁州曰若可千斛

米見借當為尊公作佳傳  
丁不與米遂以無傳毀譽在已  
也論語吾之於人  
誰毀誰譽高下

由心

左傳高下在心陳休撤豫  
州府賞由心刑戮在口

異班彪之正色

後漢書  
班彪專

心史籍范曄稱其言不失正尚書正色率下

垂董狐之直道

左傳董狐古之  
良史也書法不

隱論語柳下惠  
直道而事人

有奸雄之性

漢書司馬遷為史記序游  
俠則退處士而進奸雄後

漢書許劭評曹  
操亂世之奸雄

無良史之才

漢書劉向揚雄皆稱  
司馬遷有良史之才徒素

國經

曹植責躬詩  
動亂國經

宜從屏退

著作郎

唐初著作郎  
掌修國史

楊安期學藝淺鈍文詞踈野

凡修書不堪行用御史彈才不稱職官失其人掌

選侍郎崔彥既虧清鑑並請貶退

著作之司

三輔黃圖未央宮有承明殿即著作之所宋  
書百官志云東京有著作之任而未為官員

至魏明帝始置  
作郎專掌國史

藝文之府

文獻通考漢桓帝置秘書  
監魏文帝置秘書令掌藝

文屬少府晉書天文志云東壁  
二星主文籍天下圖書之府

既籍賢良

禮記月令云  
孟夏太尉贊

俊傑遂  
賢良

實資英俊

江淹雜詩英  
俊著世功

自非干實瞻學無以措

其鋒穎

晉書千寶覽博書記以才器召為著作郎摯伯陵答司馬遷書有連者建穎鋒之秋毫

孫

盛宏詞詎可塵其簡牘

晉書孫盛為秘書監薦尚好學著三國陽秋詞直理正世稱良

史

安期才無半古

陸機豪士賦才不半古而功已倍之

學未全今

釋法琳破邪論

俗儒好長古而短今言瑞則渥前而薄後不非古之性非美而責今之實論信久遠之偽詞忽近今之實事

無異於朽材

漢書楊惲云行穢材朽大唐西域記雖過匠石朽木難彫

文有同於敝

帚

魏文帝典論論文文非一體鮮能備善俚語曰家有敝帚享之千金斯不自見之患也

畫虎為犬

踈拙有餘

曹植與楊修書孔璋之才不爛詞賦自謂與司馬長卿同風譬畫虎不成反類犬也博記梁

遣徐陵聘齊齊錄魏收文字遺之陵過江沉之曰與魏公藏拙

刻鳳為鴟庸才何甚

馬援

戒子書刻鵠不成尚類驚畫虎不成反類狗南史王僧綽採臘燭珠為鳳凰干寶晉紀總論驅走之人凡庸之

才文詞蹇鈍理路乖踈孔叢子平原君謂公孫龍曰公無復與孔子高辨事也其人理

勝於辭公終取笑於牛毛北史文苑傳序云學者如牛毛成者如麟角孔子曰才難

不其徒自矜於鷄口史記寧為鷄口勿為牛後三藏法然也

閩之非難蛛蝥觀棘林之鳥羅亦謂扶桑之可網崔彥位參藻鏡杜甫詩持衡

上星辰唐太宗吏部詔職掌權衡杜佑通典選部是為銓衡之任未分

麟鹿之殊廣志麟牛似鹿薛綜東京賦注大鹿曰麟釋法琳辨正論麟屬異質魯俗逮其容鹿馬殊

形秦人莫辨臯鸞之異離騷實孤鸞之兩居今集兮唯

一其貌臯後漢書陳耽上言今公卿所

舉放鴟梟而囚鸞鳳投鼠尸於玉府有穢奇珍道藏上清經呼馬屎為靈芝老鼠為

玉璞尹文子鄭人謂玉未理者璞周人謂鼠未腊者璞

取釋法琳辨正論經使鼠璞濫名注引劉子云周人謂死鼠為玉璞也擲魚目於珠叢深

輕寶物

尚書考靈樞秦失金鏡魚目入珠門鄭玄注云金鏡喻明道也魚目亂珠始皇呂不韋子言亂

也真璧士之追蹇兔罕見成功焦氏易林長子逐兔鹿先失路見利不得史記走韓

盧而搏蹇兔盲人之配瞎驢自然俱敗世說桓元與顧愷之共作危語一參軍曰

盲人騎瞎馬夜半臨深池釋氏聯珠集臨濟曰誰知正法眼藏向這瞎驢邊滅却選曹簡要文獻

通考漢武帝初置尚書有常侍秘局清高文獻通考晉文帝以秘書

併入中書省其秘書著作之局不廢

理須放還

言崔彥揚安期俱當放還

以俟來哲

班固

幽通賦訊來哲以通情  
潘岳西京賦以俟來哲

金吾衛二條

秦有中尉漢武帝更名執金吾唐初為武侯府龍朔二年改為金吾衛

左金吾衛將軍趙宜檢校街時大理丞徐逖鼓絕

後於街中行宜決二十奏付法逖有故不伏科罪

中尉掌徽起自秦朝

漢書中尉秦官掌徽巡京師顏師古注云徽謂遮統也

郎將

司階行於漢制

張衡東京賦郎將司階虎戟交鋌薛綜注云言虎賁中郎將主夾階而立或執

戟或執鋌而相對也

禦曹執革

漢書執金吾應劭注云吾禦也雕

輪光紫陌之前

謝惠連快斜行奕奕雕輪馳鄴道元水經注洛陽縣有紫陌王粲獵賦倚紫陌

而並

武庫禁兵

張衡西京賦武庫禁兵設在蘭綺薛綜注云武庫天子主兵器之官也

騎拂紅塵之外

李善文選注緹丹色也漢書執金吾緹騎二百人與服導從風生滿路群僚之

中斯最壯矣李陵詩紅塵塞天地白日何冥冥班固西都賦紅塵四合烟雲相連

彎弧狀月肅

肅盈衢

鮑照詩彎弧不解張天文要集弧者天弓備盜賊

挺劍含霜輝滿路

張景陽七命楚之陽劍歐冶所營霜錡水凝冰刃露潔梁吳均寶殿詩錡邊霜凜凜馬縞中華古今注駕出執

金吾使人導引傳呼使行者止坐者起四人持弓矢走者則射之有乘高窺闕者亦射之謂之馬前弓箭

慶忌之威重乃應斯榮

漢書辛慶忌所在著名成帝初遷執金吾 漢光武之

徽時猶欽此職

後漢書光武徽時嘆曰仕宦當作執金吾

趙宜名參列校

漢書

武帝增七校內有虎賁服虔通俗文天子出虎賁伺非常謂之遮迺迺古列字也

務總戎昭

見前

司勳

躡賈復之前規

後漢書賈復先武即位拜執金吾

追冠恂之舊軌

東觀漢記寇恂為河內太守徵人為執金吾

乳虎之號響溢於京畿

漢書竇戚為中

尉嚴酷語曰寧見乳虎無逢寧戚之怒

蒼鷹之名聲充於輦轂

漢書鄧都直諫行法

不避貴賤號曰蒼鷹連中尉

既而鯨鐘隱隱

文選注海中大魚名鯨海島又有大獸名蒲牢

蒲牢畏鯨魚鯨魚擊蒲牢輒大鳴

路絕行人

魏志田豫避衛尉書

云鐘鳴漏盡夜行不休是罪人也

鶴鼓鼙鼙

吳越春秋越州城門上有鼓人見鶴飛入鼓後擊之

聲聞京師馬橋中華古今注唐舊制京城內金吾昏街曉傳呼以戒行者馬周請置六街鼓號之曰鼕鼕鼓街

收馬跡

左傳周昭王車轍馬跡乃定

徐逖躬沾士職名

屬法官

事文類聚大理古司刑官也舜命皋陶作士正五刑孔安國注云士理官也

應知玉

律之嚴

後漢書律歷志云殿中候氣用玉律靈臺用竹律

頗識鈞陳之禁

班固西都

賦周以鈞陳之位衛以嚴更之署李善注云鈞陳星也王者法之嚴更督行夜鼓也

豈有更深夜

靜仍縱轡於三條

班固西都賦披三條之廣路崔元始正論鐘鳴漏盡洛陽中不得有行者

月暗星繁故揚鞭於五劇

爾雅三達謂之劇旁郭璞注云今故陽冠軍樂鄉數道交

錯俗呼之五劇鄉初學記旁出歧多故曰劇

前途尚遠

陶潛詩指迷途其未遠

歸望猶

賒

王勃滕王閣序北海雖賒韻會賒達也又速緩為賒

未侵豹衛之司

後漢書輿服志云大

駕最後一車懸豹尾每出小黃門至

忽犯獸冠之吏

馬縞

蘭臺令史皆督整車騎謂之護駕

中華古今注秦始皇東巡猛獸突於前有武士戴狸皮白首獸畏而遁遂軍仗儀服因皆戴作狸頭白首以威

不虞也既缺瓜田之慎古樂府君子防未然不處嫌疑便

招楚撻之羞

鄭玄禮記注楚荆也所撲撻犯禮者尚書其心愧耻若撻于市朝。謂徐邈已被趙

宜決二十付法將推狀稱有故但犯夜之罪惟坐兩條被捉

之時曾鞭二十元犯已從決訖無故亦合停科罪既總

除固宜從釋

右金吾郎將

春秋元命苞天一星為郎將

韋謙於清化坊屠兒

劉忽索肉不得決四十禁經一月忽男於右臺云

咆哮無上下禮

韋謙五陵貴緒

班固西都賦南望杜霸北眺五陵英俊之域綏冕所興宋均詩緯注緒業也

三輔名豪

孔稚圭北山移文希蹤三輔豪

忝司陰識之班

後漢書陰識陰貴人兄也

顯宗立為皇太子以識手執金吾輔導東宮

謬總朱浮之任

後漢書朱浮時征討有功代賈

復為執金吾

不能恪勤守職

後漢書胡廣恪勤職事

廉慎當官

晉書吳隱之清

操愈勵

未懸主簿之魚

後漢書羊續為南陽太守主簿餉魚受而懸之他日又送續出前所

懸魚示之以杜其意也

頻窺亭長之肉

後漢書卓茂為密令人有言亭長受肉者

貪婪

之性

左傳后夔子伯封貪婪無厭

無愧於維鵜

毛詩維鵜在梁莊子魚不畏網而畏鵜鵜

注云鵜鵜洄澤取魚故魚畏之

饕餮之情

左傳緡雲氏有不才子天下目之曰饕餮杜預注云貪財

曰饕貪食曰饕山海經鈎吾山有獸羊身虎齒音如嬰兒食人郭璞注云為物貪婪食人未盡還害其身左氏

傳所謂饕餮者也

有同於相鼠

毛詩小序相鼠刺無禮也鄭玄箋云偷食苟得不知廉耻

丁之室屢被侵欺

莊子庖丁為文惠君解牛陸德明音義云庖人丁其名也

朱亥之

門恒遭刻削

史記屠者朱亥世莫能知故隱屠間耳

徐季才之耿直詎肯

庶幾

魏志徐季才太祖謂曰君太嚴夫能以柔弱制剛强者望之君也後為中尉令周易顏氏之子

其殆庶幾乎

韓安國之流通曾何仰止

漢書韓安國字長孺事梁孝王為人多大

畧毛詩高山仰止。詎肯庶幾乎何仰止言韋謙不希法前賢也

馬防名德雖未可追

後漢書馬防肅宗拜車騎將軍貴寵最盛

崔琰芳聲去之匪遠

魏志崔琰太祖貴其公亮

遷中

天津橋內寔歸左衛之麾清化坊中豈是西曹之

管越司侵職自有正條不合箠拷非無舊式依檢騰凌無厭未可全科設令咆哮不虛止從凡鬪宜從犯狀據

法論刑

左右羽林衛二條

漢武帝初置建章營衛更名羽林騎歷代更改不一唐置羽林衛韻府群

玉天有羽林大將軍星羽翼驚擊之意林喻若林木故以名武官

本衛狀頃者內有警急羽林將軍敬偉不避危險  
斫門斬關誅鋤逆賊肅清宮禁元功盛勳合加旌

### 賞

期門騎士

漢書武帝與北地良家子期諸殿門故有期門之號平帝更名虎賁郎文獻通考漢武初

置建章營衛後更名羽林騎

五營驍健之夫

後漢書光武簡五營高手別為左右監羽林父

死子繼與虎賁同

羽林孤兒

漢書武帝置羽林左右監取從軍死事之子孫養之羽林官教以五

兵號曰羽林孤兒

六郡良家之子

漢書武帝置羽林郎選六郡良家子補之羽林屬北軍而

皆召募之兵

既兼都尉

漢書宣帝令中郎將騎都尉監羽林

寔號岩郎

後漢書羽林中

郎將本武帝以便馬者從獵還宿殿陞岩下室中故號岩郎

甘延壽之武勇

漢書甘延壽少

以良家子為羽林投石拔距絕於等倫嘗超踰羽林亭樓由是遷為郎試弁為期門注云弁手搏也

傅介

子之趨捷

漢書傅介子以從軍為官後斬匈奴使者拜羽林中郎張衡西京賦輕銳標狡趨捷之徒

薛綜注云謂便利捷疾

如貌獷烈莫之與爭

尚書如虎如貌虎屬猛健

欲使士衆如鶡衝飛死而無退

張衡東京賦武夫戴鶡後漢書虎賁羽林皆鶡

冠鶡者勇雉也其鬬一死乃止趙武靈王為冠以表武士

自非鄧彪貴胄

後漢書鄧彪父邯以

功封鄙侯父卒讓國於異母弟後仕為太尉

竇固名家

後漢書竇固襲父支封顯親侯上欲擊匈奴

奴通西域以固明習  
邊事拜奉車都尉

豈可濫廁戎麾

沈約為安陸王謝  
荊州章懸旆出官

徒違絳闕擬金  
入齊識謝戎麾

叨居武禁

李善文選注漢中  
尉循禁備盜賊也

頃者鴟梟

反噬

毛詩為梟為鴟  
祀志云梟鳥名食母

蜂蠆成妖

說文蜂飛虫螫  
人通俗文蠆長

尾謂之蝎孝經援神契蜂  
蠆垂芒左傳蜂蠆有毒

釁發牀蓐之間

潘岳楊荊州  
誄寢服牀蓐

郭璞爾雅  
注蓐席也

災生肘腋之下

說文肘臂節也  
脅之間曰腋

戰國策智伯率

韓魏攻趙魏桓子肘韓康子康子履桓  
子之跗夜決水灌智伯軍遂殺智伯

虹穿白日

史記  
荊軻

慕燕丹之義白虹貫日如  
淳注云虹臣氣日為君

星孛紫微

晉書安帝義熙十  
二年彗星入紫微

崔浩以為劉時驚觸瑟之虞

漢書馬何羅與江充善充  
誅謀為逆走趨卧內觸寶

瑟僂因縛之

遽有獻圖之變

史記荆軻獻督亢之地圖窮匕首見因搃秦王

敬偉

不承制勅輒入宮闈騎列青規

漢書史丹伏青蒲上應劭注云以青規地曰青

蒲

兵交黃屋

漢官解詁衛尉掌宮闕夾道當兵交戟胡廣注云交兵以示威武交戟以遮妄出入者

蔡邕獨斷天子車翠羽蓋以黃繒為裏是為黃屋

犯龍苑之禁尚典嚴刑

十六國春

秋慕容熙光始三年禁龍騰苑起景雲樓新序商鞅為嚴刑峻法

斬鹿門之關猶思干

紀

左傳季孫攻臧氏紀斬鹿門之關以出季孫乃盟曰無或如臧紀干國之紀犯門斬關

豈有白

鵬飛閣列闔長驅

釋文白鵬形似雉白花文而尾長西京雜記闔越王獻高祖白鵬一隻張

衡東京賦飛閣神行薛綜注云閣道相通不在於地故曰飛人不見行往故曰神

玄武仙樓衝

扉直進

三輔舊事未央宮北有玄武闕史記仙  
人好樓居漢宮閣名長安有神仙殿

侮弄兵

器震動乘輿論功雖則可嘉議罪便當不敬以勤補拙

終過重而勞輕以力酬愆即罪大而功小何者經綸秘

算不忤於密圖君臣恒規理存乎大體故勃鞞斬袂晉

王納其忠

勃鞞即寺人披也左傳晉文公出亡獻公使  
寺人披攻之斬其祛文公反國求見公曰祛

猶在汝其行乎對曰齊桓公置射鉤而  
使管仲相君若易之何辱命焉公見之管仲射鉤齊桓

任為相

史記齊世家云管仲射中小白帶鉤後小白  
立是為桓公召管仲厚禮之以為大夫任政怒

封雍齒勸一志於人臣

班固幽通賦雍造怨而先賞漢  
書諸將謀反帝曰奈何張良曰

取上素所不快者一人

泣斬丁公

班固幽通賦丁公為而被戮漢書丁公為

項羽將害帝彭城內帝謂兩賢豈相厄哉丁公引兵還項滅謁見帝斬之曰使後世人臣無效丁公也懲兩

端於軍將

漢書首鼠兩端注云一前一却也

鄢陵迷命竟守前榮

說苑秦王

以五十里封鄢陵之君驛不受使唐且謝秦秦王曰秦破韓滅魏鄢陵猶以五十里存者徒用先生故也里

克施恩便招後讎

史記里克殺奚齊卓子使迎夷吾是為惠公公曰微子寡人不得立子殺

二君為子君者不亦難乎克伏劍死

春秋之明誠今古之崇規勞不足稱

罪宜先結

又田達當討救之際

又字承上條事而言

索馬不與拒門不

開覆奏往來宜失機速合處極法不伏

田達襟神勁烈志節堅貞

周王褒太保尉遲綱碑危劫之節堅貞之操

天子

之腹心

毛詩公侯腹心良平漢書腹心良平

皇朝之牙爪

毛詩予王之爪牙漢書爪牙信布

鷄鳴高樹

陸機鷄鳴高樹顛

風雨不易其音

毛詩風雨如晦鷄鳴不已鄭玄箋云

喻君子雖居亂世不變其節度也劉峻廣絕交論風雨急而不輟其音

麀尾長松

韻府群玉麀鹿

屬小曰鹿大曰麀色白群鹿隨之皆視麀所作為準其尾辟塵山海經荆山多麀郭璞注云似鹿而大尾可為

帚也周景式廬山記石門北巖即松林也有數百樹松大皆連拱長近二十丈攢生絕崖上南臨石門澗澗中

仰視之離離如駢麀尾號麀尾松尸子荊州有長松文粹穆天子傳天子升長松于燈注云坂有長松

水

霜不改其操

莊子天寒既至霜雪既降吾是以知松栢之茂也漢書蜀嚴君平久幽而不改其操

一兵一馬咸待竹符

漢書文帝初為竹使符應劭注云以竹箭五枝旁鐫篆書徵發用之

門閉門開皆憑木契

唐書木契銅魚起兵鄭玄注書契其事書之於木刻其側為契各持

其一後以相考合

循環復奏務在從真倉卒輒來馬知非詐薛

廣斷鞅情發於衷

薛廣斷鞅未詳後漢書光武西征郭憲諫之乃拔佩刀斷車鞅光武不從

后乃恨不用郭憲言左傳太子抽劍斬鞅○按此皆非薛廣事附之以俟再考

郅憚拒門意無

非惡

後漢書郅憚建武中為上東門候常獵夜還拒關不開明日賜布帛

一心可以事百

主百心不可事一君

晏子春秋梁邱據問晏子曰子事三君君不同心而子俱從馬仁人

故多君乎對曰一心可以苟不踐於邪途固無虧於正

**道**

南史張岱或謂主上既幼執事多門而每能緝和公

端平待物以禮悔衛綰敦實謹厚見稱漢書衛綰忠實

綰天子以為敦實可相王陵朴沉真專可尚漢書王陵為人少文

陵呂后問相曰王宜除舊過不奪前班則勸沮有歸政刑

**無失**

晉書后秦姚興僭帝位一日從朝門遊於文武苑

曰今已昏暗姦良莫辨門不可開興乃回從朝門而入

旦召滿聽進位二等左傳賞罰無章何以沮勸姚興

其得沮勸之章乎宜除舊過不奪

前班判者於田達亦可謂有章矣

左右衛一條

漢有衛將軍魏末晉丈王又置中衛將軍武帝受禪分中衛為左右衛將軍皆掌宿

衛營兵歷代因革不一唐復為左右衛大將軍各一人

右衛狀稱駕幸西京訴事人梁璿衛三衛仗遂被

翊衛張忠以刀斫右臂斷璿徒不伏

隋煬帝改左右衛為

左右翊衛又改三衛為三侍非翊衛府則無三侍

肆觀群后列聖所以乘時

尚書舜典云歲二月東巡狩肆觀東后

五載一

巡明王以之順動

尚書舜典云五載一巡狩群后四朝

周穆八駿車轍匝

於橐區

列子周穆王遠遊命駕八駿之乘仙傳拾遺周穆王常欲使車轍馬跡遍於天下

夏啓

二龍騎跡光於寓縣

山海經大樂之野夏后啓於此乘兩龍。謝朓登孫權故城詩霸功

興寓縣王融曲水詩序夏后兩龍載驅璿臺之上穆滿八駿如舞璠水之陰

漢家簫鼓屢向

汾河

漢書武帝幸河東祠后土歌曰泛樓船兮濟汾河橫中流兮揚素波蕭鼓鳴兮發棹歌

魏帝

鳴鑾式臨譙郡

魏文帝臨渦賦序上建安十八年至譙予兄弟從上拜墳墓遂乘馬遊觀謝瞻

九日詩鳴鑾戾行宮王粲從軍詩朝入譙郡界

皇上俯從中路幸望西畿

即中路

道漢書中道不治注云天子所行之道也西畿即長安唐書以長安洛陽為兩京

萬騎皎而星

羅

蔡邕獨斷天子出大駕備千乘萬騎班固西都賦列卒周匝星羅雲布

六軍發而雷動

周禮天子六軍張衡西京賦千乘雷動萬騎龍趨

江騰海運

莊子海運徙於南溟注云運轉也

擁列缺以前驅

揚雄羽獵賦霹靂列缺吐火苑鞭注云列缺閃隙也電神毛詩為王前驅霧

集雲屯

史記蒯通云天下之士雲合霧集陸機從軍詩胡馬如雲屯廣雅屯聚也

命蒙公而

啓路

揚雄羽獵賦蒙公先驅注蒙公髦頭也星神大帝與吳質書從者鳴笳以啓路

張忠家承

積閱

史記注明其等曰閱其功曰閱

業盛良弓

禮記學記云良弓之子必學為其孔穎達

正義云善弓之家幹角撓屈調和成弓其子弟觀父兄世業乃學取抑撓成箕也

非無大樹之

榮

後漢書馮異諸將論功乃獨坐大樹下後配錄士卒皆言願屬大樹將軍

實有小棠之陰

毛詩蔽芾甘棠毛萇傳云蔽芾小貌鄭玄箋云召公聽訟舍於小棠之下國人敬其樹

公侯圭璧

百代相仍

周禮典瑞云公執桓圭侯執躬圭子執綬璧男執蒲璧顏延年詩百代勞起伏

李善注云起帶礪山河千秋不絕楚漢春秋高祖初封侯者皆賜丹書鐵券

曰使黃河如帶泰山如礪漢有宗廟兩無絕腰鞬紫闥

世戰國策萬歲千秋之後誰與同樂此矣

左傳右屬橐鞬揚雄方言所以藏箭謂之服所以盛弓謂之鞬魏志董卓有武力雙帶兩鞬左右馳射崔駰達

旨窺方申禦侮之勞毛詩子曰有禦侮毛萇荷戟丹闥

戟有技兵也荷戟猶執戟也張衡東京賦虎戟交鐃薛綜注云言虎賁中郎將或執戟或執鐃而相對也爾雅

宮中門式展干城之效毛詩公侯干城鄭玄箋云干城謂之闥

可任將帥。此判以下缺文附事文類聚收張鷟集二條於後以參博探殿前左右二衛將軍曰鈞陳肅肅彰北極之威靈錡杖森森表南端之壯麗九旂揚旆日熾星流五輅鳴鑾龍旂鳳輅又曰武夫振燕之服羽騎雷

屯期門珥鵠之冠花頭宿設軍器監曰蘭錡分司武庫是藏兵之處注云受兵曰蘭受甲曰錡又曰森森司衛鶴膝咬而含霜凜凜旌旄犀甲光而奪日注云鶴膝矛也又曰萬人強弩動黃間而連機百辟神刀輝丹霜而吐鈔注云黃間機擊牙也又曰三屬之甲自合堅牢九石之弓同宜良勁

左右千牛衛一條

千牛刀名義取庖丁解數千牛刀刃若新法於硎唐神龍初立千牛衛

### 杜俊對仗遺箭於伏內御史彈付法

杜俊幼乏過庭

論語鯉趨而過庭刑

少虧函丈

禮記曲禮云席

問函丈鄭玄注云謂講問之容也函容也講問宜先對容丈足以指畫也孔子世家冉有為季氏將師與齊戰於郎克之季康子曰子之於軍旅學之乎性之乎冉有曰學之於孔子。此言杜俊幼乏過庭少虧函丈是未

嘗學 溫荷苴茅之蔭

尚書緯天子將封諸侯各取其方土苴以白茅以為社

叨居

蘭桂之叢

王粲游海賦蘭桂叢乎其土晉書謝安曰子弟何預人事欲使其佳玄荅曰辟如芝蘭玉

樹生於庭階耳

故得佩鞶龍軒

毛詩童子佩鞶云鞶決也能射則佩鞶

腰鞶鳳

闕

鮑照擬古詩鞶帶佩雙鞶三輔故事北有闕闕高二十丈上有銅鳳凰故曰鳳闕

不能翕肩

歛氣對黼帳以兢魂

司馬相如美人賦金爐香薰黼帳周垂

俯首曲躬臨

玉階而側足

班固西都賦玉階彤庭

豈得欽承聖旨曾無戰灼之

心

蔡邕徒朔方上書職在望候憂怖焦灼說文灼炙也廣韻燒也熟也佛說諫王經夫與人言常以寬詳無

灼熱之

侍奉天威

左傳天威不遠頗咫尺

敢縱盧胡之笑

關子宋之愚人得燕

石以為大寶客見掩口處胡而笑之

石慶謹厚未著於朝儀

漢書石慶為丞相醇謹而

已鄧通驕淫已塵於國典

尚書驕淫矜誇將由惡終漢書申屠嘉為丞相鄧通居上

傍怠慢嘉為撤召通至丞相府免冠頓首謝罪

不恭之罪付石碣以懲科

尚書汝不

恭命子則孥戮汝左傳衛公子州吁好兵石碣諫弗聽其子厚與州吁游禁之不可及州吁殺君碣使其宰殺

石厚無禮之徒從日磾而訓戒

毛詩相鼠刺無禮也曰人而無禮胡不遄死漢書金

日磾子為帝弄兒日殿下與宮人戲日磾適見惡其淫亂遂殺之

雖仗內落箭未見遺

弓唐書儀衛志云朝會之仗三衛番上分為五仗每

律

有正條相須乃坐二罪俱發自合從重而論一狀既輕

不可累成其過

左右監門二條

隋初立左右監門府掌宮殿門禁及守衛事唐龍朔二年改府為衛

衛狀稱揚州貢大人魯敬身長九尺力敵十夫配  
上押門免簾酤酒不堪宿衛請退還本邑

銅街八會

陸機洛陽記漢有銅駝在宮之南街四會開道頭名銅駝街三輔舊事長安八街九陌開

十二之通門

班固西都賦開十二門通十二子也

金城九

重

班固西都賦建金城之萬雉淮南子崑崙有層城九重

列三條之廣路

班固西都賦披

三條之廣路張衡西京賦參差夷庭薛綜注云一面三門門三道故云參差夷庭猶正也嚴扃設

**禁**

說文高外閉之闕也禮記奉高注云高闕也門扇上鏤鈕周禮闕人掌守王宮中門之禁隨日月

**之昏明**

周易日往則月來五經要集日入後漏三刻為昏日出前漏三刻為明秘鍵凝規

韻會鍵藩牡也鏤之入內者俗謂鏤須也周禮注云疏以人者為牡容者為牝風俗通公輸般見蟲適出頭以

足畫闕之蟲引閉其戶終不可得開般順陰陽以開闔遂施之門戶云人閉藏如是固嚴秘矣順陰陽以開闔

班固西都賦張千門而龜鋪掩映漢書元壽元年孝元立萬戶順陰陽以開闔龜鋪掩映廟銅龜蛇鋪首鳴如

淳注云門鋪首作龜蛇之形所以銜環者也按聖俞詩謁藹金鋪獸齒環對金馬以翻光瑩

漢南記馬援奏曰武帝時善相馬者鑄作銅馬鶴鈕象法獻之有詔立馬於魯班門外則更名金馬門鶴鈕象

**差**

見本條間銅人而亂色關中記始皇時有大人十二前注見於臨洮乃銷兵器鑄金人

像之漢世在長樂宮門

押門守當必藉身材

鄭玄周禮注陳列周衛則立長人以表門

擊柝防閑良資壯健

孟子抱關擊柝注云拆夜行所擊木也

魯敬家臨海

曲稟大海之精靈地邇江濱得長江之粹氣容儀絕大

陸機日出東南隅行窈窕多容儀沈約陽春曲賦情忍思落容儀涼州異物志有大人志於北邊偃卧於野其

高如山頂脚成

骨節非常

史記吳伐越魯會稽得骨問仲尼骨何者最大仲尼曰禹

致群臣於會稽防風氏後至禹戮之骨節專車此為大也

批熊拉虎之威

曹植七啓批熊碎掌

拉虎推斑李善注云掌熊蹯也斑虎文也

扛鼎翹闕之力

左思吳都賦翹闕扛鼎李善注云皆

逞壯力之勁漢書項羽力能扛鼎注云扛舉也揚子法言烏獲任鄙扛鼎拊牛非絕力耶列子孔子勁能招國

門之闕而不同  
力聞招與翹同  
馮勤八尺象貌過人  
後漢書馮勤祖偃長不滿七尺自耻

短陋為子仇娶長  
妻生勤八尺三寸  
虞延十圍英資出眾  
後漢書虞延長八尺六寸腰帶

十圍力  
能扛鼎置之階陛可以啓發朝端列於宮園可以光輝

廊廟  
史記賢人深謀於廊廟  
昔季布使酒響振於河東  
漢書季布為河東守

孝文時人言其賢  
召欲為御史大夫  
人又言其使酒難  
近見罷布進言上慙曰河南吾股肱郡故特召君耳

樊噲飲卮功高於灞上  
史記項羽與沛公會樊噲入羽賜之卮酒噲飲之沛公如廁走

上典韋長啜身為時傾  
北堂書鈔魏典韋食飲兼人每賜於前大飲長啜左右相屬數

人供梁作魏統曹公之敗於張繡也  
惟校尉典韋力戰突殺數人重創瞋目大罵而死  
蔡裔雄聲

才堪國用

晉書蔡裔聲若雷震常有二盜入室裔附牀一呼而盜俱隕故殷浩委以軍鋒焉

克

麓小失可峻之以刑書

左傳鄭子產鑄刑書

沉酗微愆可懲之以

清憲

尚書沉酗于酒孔安國注云沉酒酗當釋文以酒為凶曰酗韻會嘗酒失也

宜漸戒勵

未可退還

將軍魯慶諸州租調多被欺賄賂入已始給門牒

船車壅滯進退無由

魯慶位在監門

周禮司門掌授管鍵以啓閉國門文獻通考隋初置監門府唐改府為衛設大

將軍一人將軍二人分掌諸門以時巡檢

職惟防禦

揚雄衛尉箴設置山險盡為防禦

理須

孜孜匪懈恭慎

心耿耿恪勤方崇大略察姦非無隱

伏知左道有孤

虛

禮記執左道以亂政。以上言監門職當如此。

上思邇憚之

心

見前羽林除注

不戒

田

仁之失

史記田仁為司直主閉守但城門坐縱太子下吏誅死

但

任土作貢玉帛星繁

尚書禹貢序任土作貢孔安國注云任其土地所有定其貢賦之差

稅熟貢新糧儲

歉積

釋文古者公田上熟畝稅二升中熟畝稅一升生貢君君先薦宗廟

故曰赤馬之舸萬里

連檣

雅豹古今注孫權時名舸為赤馬言如馬之走陸也郭璞

江賦舳舻相屬萬里也

青牛之車千輶接軸

關令內傳尹喜望氣應有

聖人過果見老子

乘青牛車米毛詩五莖梁輶毛萇傳云輶上勾衡者方言楚術之間輶謂之輶駱賓王檄玉

軸相

豈得不遵

公

法直縱私求故作躊躇

韻會躊躇住足也

專

為頽頽

鄭玄毛詩

箋頽

鶴綾未入

遂高卧而閒閒

梁庾肩吾

謝靈運啓圖雲緝

鶴郭市稱奇晉

見錙忽來即傾身而

急急

見錙見前史

館條注晉書祖

賍賄溢室謗訟盈庭

毛詩發

外不懼於

乘驄

後漢書桓典為

內無慚於相鼠

毛詩相鼠有皮人

而無儀毛萇傳云相視也鄭玄箋

待

知賍估方可論刑宜更推窮以實裁斷

左右屯衛二條

隋

初有領軍府煬帝改

左右屯衛唐因之

都留守屯衛將軍王林狀稱駕在西京恐有警急

請屯兵於宣仁門外以備非常

皇天震怒發雷電以申威

尚書泰誓皇天震怒命我文考肅將天威金縢云天大雷

電以風王泣曰今天動威孔穎達正義云天動雷電之威

聖帝除殘用干戈而肅殺

吳志周瑜謂孫權曰將軍當為漢家除殘去穢六韜太公謂武王曰聖人興兵為天下除害去賊非利之也王

子年拾遺記伏羲造干戈以飾武帝顓頊居位文德者則錫以鐘磬武德者則錫以干戈

莫不先聲

後實

史記廣武君李左車曰軍固有先聲而後實者

轉敗為功

戰國策聖人之制事也轉禍而為福因敗就逆命以迎師

禮記君命逆則臣有逆命孟子簞食壺漿以迎王師

不亭而動將

史記軒轅以征不亭索隱云亭或作亭亭直也尚書周官云四征不庭孔安國注云

四征諸侯之不直者

五十二戰非黷武而窮兵

帝王世紀皇帝受國制蚩尤凡五十

二戰而天下大服

二十七征蓋除克而剪暴

帝王世紀諸侯有不義者湯從而征

之凡二十七征而德施於諸侯梁任孝恭移文軒轅五十二戰義在拯民湯武二十七征本惟靖難

期門

一萃列刃以攢鏃

班固西都賦期門飲飛列刃攢鏃李善注云漢武帝與北地良家子期諸

殿門故有期門之號伏飛掌戈射攢聚也箭羽謂之鏃文選廣義詠北伐詩雷屯七萃士穆天子傳天子賜七

萃之士郭璞注云萃聚也謂衆聚集有智力者為王爪牙也

衛尉八屯警夜而巡晝

張衡西京賦徵道外周千廬內附衛尉八屯警夜巡晝薛綜注云衛尉率力士周官外於四方四角立八屯士

畫則巡行非常夜則警備不虞也唐白居易集王林位

參八校

漢書武帝增七校注云中壘屯騎步兵越騎長水胡騎射聲虎賁凡八校尉胡騎不常置故言

七職列五營

張衡東京賦總輕武於後陳薛綜注云後陳者謂北軍五營兵在後陳列鄴道元水

經注漢靈帝以何進為大將軍將五營士屯都亭

朝檢察於周廬

周禮有周廬之衛謂衛士

之廬舍周匣王官也

夕嚴更於徼道

張衡西京賦嚴更之署薛綜注云嚴更督行夜鼓也班周

徼巡京師所謂遊徼循禁備盜賊也

請於都郭別置

屯兵

漢書衛尉掌宮門屯兵

思患預防

周易君子以思患而預防之

不虞先備

周易君子以除戎器戒不虞左傳但王者之貨藏之於疆場之事慎守其一而備其不虞

天下

韓詩外傳晉平公藏貨之臺燒公子晏賀曰臣聞王者藏於天下諸侯藏於百姓今天降災於藏臺

君之福也

王者之師守之於海外

張衡東京賦天下有道守在海外

以騎數

十振彼威容

三國志曹公爭漢中運米北山下數千萬囊趙雲將數十騎輕行值曹公揚兵大出

雲為所擊且鬪且却還營開門偃旗息鼓曹疑有伏兵引去雲擂鼓振天以戎弩射之曹軍驚駭蹂踐墮漢水

中先主至雲營曰子龍身都是膽也軍中號雲為虎威將軍

卧鼓歇鞍示其閑暇

漢書

李廣為上郡太守從百騎遇匈奴數千騎廣解鞍縱馬卧匈奴以廣為大軍之誘弗敢擊

豈有置兵

城內列騎街中百賊叩門萬夫何用

言屯兵於宣仁門外非計

掩扉

拒寇終為自死之人

左傳公子佗有白馬四宋公嬖向魋欲之公取而朱其尾鬣以與之

佗怒使其徒奪之懼懼將走公閉門而泣目盡腫後漢書袁閹黨事作乃築土室自牖進飲食潛居十八年卒於土

### 入井逃災乃是成埋之鬼

南史隋師入城陳後主曰吾自有計乃逃於井

既而軍人窺井而呼之不應欲下石乃聞叫聲賓頭盧說法經昔人行曠野為象所逐入一井中藏井有四毒

蛇繞其身當知此虎豹在檻無復施其爪牙

淮南子養虎豹犀象

者為國檻晉張載確論白猿玄豹藏鷹鶚處籠何以張於檻檻何以知其接垂條於千仞也

### 其羽翼

晉書慕容垂猶鷹也當謹其條籠晉張載確論青鵝紫霜繫於籠中何以效其撮東郭於羈下

### 也繫猿廡下求其趨捷之功

楚辭哀時命云置猿狔於檻檻兮夫何以責其健巧

魏吳質答東阿王書檻猿猴之勢而望其巧健之能張衡西京賦標攸趨健之徒薛綜注云謂便利健疾也

絆驥庭中責以超驤之用

魏吳質答東阿王書絆良驥之足而責以千里之任楚辭

哀時命云騁騏驎於中庭兮馬能及夫達道張元思玄賦漢夫嚴其正策八乘騰而超驤楚辭駕八龍之超驤

五尺童子尚以為愚

列子牧羊者使五尺童子隨之漢書董子曰仲尼之門五尺童子羞

稱五三事大夫若為通計

毛詩三事大夫莫肯夙夜孔穎達正義云三事鄭言三公

者三皆有事故曰三事也大丈夫之成名可以上通公卿尚書三事暨大夫孔安國注云公卿以下所請

非理告記為宜

飛騎將軍

唐貞觀十二年始置飛騎

劉恭膺力强群弓馬超衆

眇其一目恐不堪侍奉欲放歸鄉里又惜其身材

主上股肱

左傳周公太公股肱周室

是為心膂

尚書王若曰君牙今命爾作股肱心膂

穎達正義云言將任之如已身也

漢高之得樊噲廊去妖氛

漢書項羽欲攻沛公

項莊拔劍舞樊噲聞事急乃持盾入立帳下羽曰壯士會曰沛公定咸陽以待大王大王聽小人之言與沛公

有隙臣恐天下解心疑大王也羽默然無誅沛公之心李白詩一戰靜妖氛

曹公之有典韋

克寧寰宇

魏志典韋陳留人形貌魁梧膂力過人嘗從曹操討呂布操蒙陷陣者韋持十餘戟大呼

而起所抵無不應手倒者布衆退拜韋都尉

劉恭力齊烏獲

司馬相如諫獵書物有同類而

殊能者故力稱烏獲

勇若專諸

烈士傳專諸持一剛刀置魚腹中以刺王僚史記刺客傳注專諸勇

士非無孟悅之才

史記秦武王與孟悅舉龍文赤鼎絕臍死

實兼任鄙之狀

揚子法言秦悼武烏獲任鄙扛鼎拊牛吳盼注云悼武秦惠王子子有子好戲力士任鄙烏獲皆至大官登

城斷布所向無前

左傳諸侯伐偃陽主人懸布孟獻子之臣秦董父登之及堞而絕之復上

者三乃退帶其斷以徇於軍中二日杜預注云帶其斷布以示勇

荷石投人誰當餘勇

漢書甘延壽投石拔拒張晏注云范蠡兵法飛石重十二斤為機發行三百步甘延壽有力能手拔之

越

稷門之宇俊健有聞

左傳犖有力焉能拔蓋於稷門注云稷門魯南城門蓋覆也言犖能

走而自拔其屋之摘反覆門上言其有勇力之甚玉海犖投蓋於稷門乘行舟於陸地

舉大國之

關驍雄可尚

淮南子孔子力招城關而勇力不開許慎注云招舉也以一手招城門關端能舉之

昔子夏喪目猶講授於河西

禮記子夏哭其子而喪其目鄭玄注云明目晴史記

孔子既沒子夏居河左邱失明亦修書於東魯司馬遷西教授為魏文侯師

卿書左邱失明厥有國語李善注云國語左邱明著失明未詳殷堪雖眇作牧於江濱

史記殷仲堪眇一目晉書殷仲堪遊江濱萑流指門前溝忽起為岸其夕有人云威君之患無以報也仲堪問

是何祥曰水中有岸丁儀止婚興嗟於魏帝魏志丁儀其名為洲果牧荊州

女妻之或曰儀目不便恐愛女不悅後儀到與論議曰丁掇好士也即使兩盲尚當女妻何況但眇用大

掩小左傳不以一青掩大德棄短從長淮南子顏涿聚梁父山之盜也而為齊忠臣段干

木晉國之大駟也而為文侯師皆有川澤納汙山藪藏所短然而功名不減者其道得也

疾此二句左傳文蛇街輝來不以細類為嫌陰陽書隋侯救蛇蛇街明珠報之史

記魏忠王有徑寸之珠前後照車十二乘淮南子明月之珠不能無瑕然而寶之者小惡不足妨大美注云顧

藏若絲之結類也

**虹氣連城不以微瑕致損**

微記君子貴玉氣如白虹天也孔頴

達正義云白虹天之白氣玉之白氣似天白氣故云天也千寶搜神記孔子春秋孝經成告於天赤虹自上而下化為黃玉長三尺魏文帝與鍾大理書不損連城之價尹文子魏田父得玉徑尺歸置廡下明照一室大怖棄於野鄰人取之以獻王王召玉工問價工曰此無價以當之五城之都僅可一觀董仲舒春秋繁露玉有瑕穢必見於外淮南子夏后氏之璜不能無考天下寶之注云考瑕穢也梁武帝連珠徑寸之珍有時而顧盈尺之寶不**大材可錄小疹何傷**顧會瘡疹皮外小起**既要所須宜依**

**舊定**

左右驍衛二條

漢有驍騎將軍至隋置左右驍衛府唐去府字

疏勒鎮軍大使左驍衛將田慎狀稱安西路遠沙磧極深國家鎮遏甚為勞弊一住十年死亡殆盡

欲益反損請停四鎮

狼望蕭條

漢書揚雄云快心狼望之北注云狼望匈奴中地名爾雅蕭條迴遠也

龍堆莽

蕩

北史都善國古樓蘭國也北即白龍堆漢書注龍堆形如土龍身無頭有尾高大者二三丈小者丈餘在

西域中班彪北征賦野蕭條以莽蕩

迤邐白蘭之表

爾書迤邐連接也北史白蘭者羗之別種

也周武王時遣使獻犀甲鐵鎧

迢遞蒼松之外

劉遠吳都賦注迢遞遠望懸絕也十二州記鹿

塞在蒼松  
縣南十里  
傍通鬼域  
遠絕人區

後漢書西域距玉門陽關四萬里鬼住之域備

寫情形神迹詭怪理絕人區

綿亘三十六蕃經過數萬餘里

李善文選注綿

速也方言亘竟也鄭玄周禮注經謂里數也北史漢氏西域有三十六國至於後漢班超所通者五十餘國東

西萬里皆

公主遠嫁徒聞黃鵠之歌

石崇王明君辭遠嫁難為情漢書武

帝以江都王建女為公主妻烏孫王公主悲愁作歌曰願為黃鵠兮歸故鄉

高昌入朝即動

金驢之唱

唐書隋大業三年帝有事恒山裴矩使人說高昌二十七國入朝奏樂歌舞西陽雜俎僧

朗住金榆山所乘驢上山撫者聽其鳴曰金驢一鳴天下太平

戊巳校尉鎮靖遐荒

漢書

戊巳校尉元帝初置如甲乙丙丁庚辛壬癸皆有正位惟戊巳寄活無常居故曰戊巳校尉

都護羌

夷招携異域

後漢書武帝時西域內屬置校尉領護之宣帝改曰都護羗夷招携以禮注云携離

武帝也後漢書天竺國論云設戊巳之官分任其事建都護之師總領其權

田慎名參越騎

漢書

武帝置八校有越騎校尉

位典戎韜

宋曾鞏詩豈須毫髮問戎韜

仗節烏壘之前

漢書烏壘城去陽關二千七百三十八里於西域為中

揚旌絳賓之右

漢書龜茲王絳賓尚

烏孫公主女上書願俱入朝

不能因利成便躡充國之英規

漢書趙充國伐

先零上賜書曰將軍急因天時大利吏士銳氣以十二月擊先零羗充國謹條留田便宜十二事矯制

申功展陳湯之盛績

漢書陳湯出使西域矯制殄城郭諸兵破郅支單于

羸師遠

入追廣利以長驅

漢書李廣利為武師將軍伐宛宛破諸所過小國皆從入貢

煇督

充饑慕耿恭之無退

後漢書耿恭伐車師救兵不至恭食盡乃煮鯁弩食其筋皆無貳心

豈得暫辭艱弊不顧宏圖纔住十年即傳四鎮功無縮

地阻境界於邊庭

神仙傳費長房遇壺公得神術能縮地脉千里聚在面前放之如故晉張

協雜詩烽火到邊庭

虛奏聞天失威嚴於大國

蜀志張昭問秦安天有耳乎曰有詩

云鶴鳴九皋聲聞於天無耳何以聞之左傳小國之仰大國也如百穀之仰膏雨

遂使皇威曠

蕩

滿岳西征賦兵舉而皇威暢

莫漸於流沙

晉應貞詩聲教南暨西漸流沙

聖澤滂

沱

晉應貞詩玄澤滂沱李善注云玄澤聖恩也

不行於近磧

顏師古漢書注絕漢即今都厥

中磧也

區區炎漢

東觀漢記序漢以炎精布耀或出而光

猶拓土以開垣

漢書

拓地萬里海內晏然赫赫隆唐毛詩赫赫宗周擬抽邊而削地謂傳四鎮誠合

解退以肅朝章所請無端告記為允

郎將侯圭使西域市馬屬磧石乏食遂將齎馬價

糴食以救之並免饑餓御史彈不承制命擅用官

物

大宛之國舊出名駒

漢書馮奉世至大宛得名馬象龍而還言馬形似龍者減道頗平

文真驢氏之名駒也小月氏郊素宜良馬

漢書月氏國本居敦煌祁連間至單于款月氏

月氏乃遠去其餘小眾不能去者號小月氏出陽關而穆天子傳犬戎於雷首之阿乃獻良馬四匹

直望但見平沙

漢書西域傳云陽關關名在敦煌西界王子年拾遺記平涉千里色如金細如

粉風吹沙起如霧

歷險固以遐征惟多積雪

左傳跋涉山川踰越險阻石崇王明

君辭願假飛鴻翼乘之以遐征陸機飲馬長城窟行仰憑積雪巖俯涉堅冰川

秋風旦慘

文選古詩

北風何慘慄通俗文暗色曰慘

白日黯而將昏

魏王粲雜詩白日忽已冥李善文選注黯失色

將敗之貌曹大家東征賦忘日夕而將昏

寒雲夕愁

晉傅玄詩浮雲含愁色宋謝惠連雪詩寒風積

愁雲

黃塵暗而無色

梁江淹恨賦黃塵匝地魏王粲登樓賦天慘慘而無色

斜衝

烏弋

揚雄長揚賦服虔注云三十六國烏弋最在西

直指龜茲

晉書龜茲西去洛陽

八千二百八十里俗有城郭

踐無雷之舊墟

漢書無雷國出銀

馳不霜之故

地

釋迦方誌雪山以南坦然平正冬夏和調草木常榮  
流霜不降釋法顯傳天竺名為中國寒暑調和無霜

雪

東道之駿仍未交關

後漢書天馬歌云  
徑千里循東道

西迴之兵輒

為賙賑但重人賤畜往哲之嘉猷

鄭玄論語注廐焚  
章云重人賤畜

救

死扶危明王之盛事若逢兵餓汲黯之擅無傷

漢書河  
內失火

使汲黯視之還報曰失火不足憂貧人傷水  
旱臣發倉粟以賑請伏矯制罪上賢而釋之

矯費齎資

敬聲之狀無捨

漢書公孫賀為丞相子敬聲為太  
僕擅用北軍錢千九百萬下獄死

栢臺

奏劾合寘嚴科


漢書朱博為御史大夫其府列栢樹謝  
靈運晉書漢官御史為憲臺徐陵讓尚

書表其宜屏  
銅用寘嚴科

棘署論刑更宜推鞠

春秋元命苞樹棘聽  
訟其下取其赤實也

禮記司寇聽之棘木之下事文類聚大理官待知的狀  
稱大棘張晏漢書注勒窮也謂窮問因情也  
方可量裁



龍筋鳳髓判卷三

欽定四庫全書

子部  
龍筋鳳髓判卷四

詳校官中書<sub>臣</sub>金應琦

員外郎<sub>臣</sub>牛稔文覆勘

覆校官中書<sub>臣</sub>方大川

校對官助教<sub>臣</sub>卜維吉

膳錄貢生<sub>臣</sub>繆濂

欽定四庫全書

龍筋鳳髓判卷四

唐張鷟撰

明劉允鵬注

左右衛率府二條

衛率府秦官晉建東宮置衛率唐為左右衛率府

御史彈東宮

晉下壺議太子所居宮稱東宮不言太子官者二宮以東西為稱明是天

子之離宮使太子居之也

每乘牛車微行

張晏漢書注出入市里不復警蹕若微賤

之所為故田微行

遊諸寺觀左右清道元不設儀仗殊失

禮容所由率丁讓等

唐制左右衛率府置率各一人副率二人並請付

法

天孫東岳有國之元儲

初學記泰山五岳之東岳也一曰天孫言為天帝孫也漢書疏

廣曰太子國儲副君宋均春秋元命苞注儲君副主言設以待之

帝子前星通邦之上

嗣

洪範五行傳心之大星天王也其前星太子也鄭元禮記注上嗣君之適長子北周王褒立太子表上嗣

佇賢前星虛位

河海重潤控玉檻以䟽源

爾雅河出崑崙墟色白山海經崑崙在西

北高萬仞面有九井以玉為檻

日月重輪順朱囊而叶度

唐虞世南詩重輪依紫極

公羊傳日有食之以朱線營社何休注云朱線營之助陽抑陰也孔穎達尚書正義天之積氣無形二十八宿分之為限每宿各有度日月右行循此宿度崔豹古今注漢明帝為太子樂人作歌詩四章以贊之曰日重光

月重輪星重耀海重潤舊說天子之位隆銀榜青方列

長子之宮東方朔神異經東方東明山有宮青石為牆門有銀榜以青石碧鏤題曰天地長男之宮

望重銅樓紫極慕承桃之業漢書孝成皇帝元帝太子也初居桂宮上嘗召出龍

門樓注云門樓有銅龍唐薛元超和太子詩儲禁銅扉啓宸行玉輶還潘岳西征賦厭歎極之闕敞李善注云歎

極星名王者為宮以象之梁武帝立昭明太子詔莫不立諸樹嫡守器承祧周王褒請立太子表清雷居震春

方應守器之禮明兩作東觀漢記濟南鳳集天骨已彰先武生於

離少陽慕重暉之業濟南鳳集天骨已彰清河蛇盤靈資早應

始於此宋玉神女賦骨法多奇清河蛇盤靈資早應

後漢書孝安帝清河孝王子在邸第數有神光照丁讓

職惟清道

文獻通考東宮官隋有虞候唐改為清道衛

務掌干城

毛詩公侯干城鄭元

箋云干城皆以禦難文獻通考唐左右衛率府置率各一人領兵宿衛督攝隊伍

列羽衛於瑤

山

江淹擬從駕詩羽衛請流景李善注云羽衛負羽侍衛山海經西海之外有瑤山山上有人名曰太子長

琴

典戎旗於望苑

漢書戾太子居博望苑。此上二句正言丁讓督攝隊伍以侍衛東宮

自可畫堂之側肅肅霜戈甲觀之前森森雷戟

漢書元帝為太

子於甲觀中畫堂生子即成帝也如淳注云甲觀觀名畫堂堂名此亦言丁讓侍衛東宮

何得安細

金於座上竟未匡毗

晉書杜錫還太子舍人性亮直忠烈屢諫懷愍太子太子患之后置

針著錫常所坐帶長劍於街中曾無覺察

晉東宮舊事太子儀飾有

魏中刺之流血

玉頭紉與服雜事紉所從來達矣其後惟朝服帶紉貫  
說新書古者天子二十而冠帶紉諸侯三十而冠帶紉  
大夫四十而冠帶紉楚辭帶長紉挾素弓宋玉大言賦  
長紉耿耿倚天之外。言太子初奔師出遊讓乃不知  
正教遂使盤遊無度玩好非宜

毛詩序遊蕩無度文選漢韋孟傳楚王戊戌荒淫不

遵道作詩諷諫曰邦事是廢逸  
遊是娛犬馬攸攸是放是驅

日遠之對茂聞

帝晉書明

有人從長安來元帝問長安遠日遠對曰星流之瑞徒  
聞人從長安來不聞從日遠來日固宜達

應

河圖大星如虹下流華渚女節意感生白帝。言初惟不知救正後遂淫於逸欲太子雖有聰異亦俱喪

矣昔乘小馬尚致譏嫌

魏志任城威王善射御太祖常折之汝不讀書而好乘馬繫紉

此一夫之勇何足貴也晉書王戎  
拜司徒聞乘小馬從便門出遊

今駕小牛深乖典則

史記自吳楚反後諸侯貧者或乘牛車也。所由既不

言昔人乘馬猶以為非今乃駕牛豈不乖悖

匡正北史齊邢峙授皇太子經廚宰進食菜有邪蒿群

下竟未上聞

按所由謂丁讓群下謂副率以下諸官

虧失朝章

任昉王父憲集序朝

章國紀

理須明法

東宮無事輒發四府兵獵

唐制東宮置衛率府又有親府勳府翊府共四

府未經奏許所由不言有虧國法

重離明兩

周易明兩作離鄭玄注云明兩者以明德相承梁元帝太子碑海雷種德重離作兩晉潘

泥太子詩霑恩洛明兩

允屬利貞

周易離利貞亨王弼注云離以柔為正必貞而後亨故曰利貞

亨 一日三朝

禮記文王之為世子朝於王季日三孔穎達正義云凡常世子朝父母每日惟二今

文王朝於王季寔歸仁厚禮記下之事上也雖有庇民之大德不敢有君民之心仁

之厚

府官等

即上四府官

肅承蘭殿

漢武故事孝景王皇后夢日入其懷以乙酉年

七日生武帝於倚蘭殿七歲立為皇太子

虔奉桂宮

漢書孝成皇帝元帝太子也初居桂宮三秦記

桂宮中有光明殿皆金玉珠璣為簾箔晝夜光明

識金玦之無歸

左傳晉侯使太子申生伐

東山皋落氏佩之金玦罕夷曰金玦不復知玉牀之可惜

易事謀類倣威出坐玉牀鄭元注云

坐玉牀處天之位也晉書后妃紀論象玉牀之聯後璧

坐可惜晉

春誦夏弦之訓先有常儀冬書秋禮之規非

主亦悟

龍筋鳳髓判

四

無永範

禮記文王世子篇春誦夏弦太師詔之瞽宗秋學禮執禮者詔之冬讀書典書者詔之鄭玄注

云陽用事則學之以聲陰用事則學之以事因時順氣施功易成也○自肅承蘭殿至此言府官等承奉東宮

既知其有不德事自當擬古何得不遵彛教專事荒淫經以訓規之豈不彰彰在也

漢韋孟諷諫詩序楚王戊荒淫不遵道左傳不修民事而淫於原獸逐迅羽於長林張衡

賦乃有迅羽輕足薛綜注云迅羽鷹也輕足好犬也稽康絕交書此由禽鹿愈思長林接輕肥於

淺草曹植白馬篇仰手接飛猱李善注云凡物迎前射之曰接魏文帝與論自序云少好逐禽每歲暮春

草淺獸肥於鄴西獵終南皮射雉好樂無厭魏志太祖日獲麋鹿九雉免二十

於南皮日射雉獲六十三頭毛詩好樂無荒東門逐兔左傳是無厭也注云無厭足之心厭平聲

長驅不已

史記李斯出獄顧謂其子曰吾欲與爾復牽黃犬臂蒼鷹俱出上蔡東門逐狡兔其可得

乎毛詩並驅從兩狼兮龍山絡野連紘龍山絡野網  
戰國策樂毅長驅至齊

盧犬於平原

戰國策韓國盧天下之駿犬也劉向說苑雅門周言孟嘗君野遊則馳弋獵乎平原

同冒雨侵風

宋畧孝武帝嘗出射雉值雨侍中沈懷文諫曰非止不乘失容亦乃聖躬櫛沐縱

蒼鷹於廣澤

唐書姚崇曰臣少居廣城澤以呼鷹逐獸為樂淮南子平原廣澤白刃交接釋法琳

辯正論列國瀾州縱禽亭澤張羅亘野布網連山火逐嶺以高低煙隨草而疎密奔雷之鷹爭舉追風之馬競

前猿脂箭以鹿驚鷹看弓而迴墜洞胸達腋之痛解頭陷腦之酸矣特喪蚌池空遂使亡狙林盡一兵

一馬皆奉嚴符乍出乍歸皆憑獻表

按此乃詩家句中流水對法一兵對

一馬乍出對乍歸  
擬四六者亦當知  
進不能諫退不能言  
虛曠國班謬尸

天祿

自一兵一馬以下言東宮儀從出入皆當上奏所  
由不言豈非曠班尸祿者乎韓詩外傳素餐尸祿

並宜削黜審擇賢才自然鶴禁長清

唐虞世南詩乘星  
開鶴禁劉向列仙

傳周靈王太子晉乘白鶴

駐山巔謝時

龍居永肅

漢書成帝

人去後世稱太子之駕曰鶴駕曰鶴禁

龍居永肅

漢書成帝

為太子居挂宮上急召出龍樓門張衡東京賦九龍之內寔曰嘉德薛綜注云九龍本周時殿名也門上有三

銅挂挂有三龍相糾統故曰九

龍嘉德殿名在九龍門內也

太廟一條

舊本太廟郊社二條今按文獻通考太廟  
令屬宗正卿郊社署屬太常卿因分之

太廟令朱景方行太祀乃於散齋而弔喪御史彈

付法大理斷官減一等徵銅五斤

太袷之禮列聖之攸先

公羊傳大事者何大袷也毀廟之主陳於太祖未毀廟之主皆

升合食於太祖故為大事

吉禘之儀明王之令典

春秋閏公二年吉禘於莊公禮猶命

徵三年一袷五年一禘以衣服想見其容色三日齋思親志意想見所好喜然後入廟

莫不尊崇

祖考

周易先王以作樂崇德殷薦之上帝以配祖考

敬事神明

禮記祭統云敬盡然後可以事

神明孝經援神契神靈滋百寶用則珠母璣鏡也宋均注云事神明得則文珠有先可為鏡

既申如

在之誠

邢昺論語疏祭如在者謂祭宗廟范祖禹論語注有其誠則有其神

聿起不欽之

罰

尚書黷於祭祀時謂弗欽

若嚴裡有則赤鴈降於祠宮

唐蘇味道詩孝享屬

歲禮尚書有典有則漢書武帝幸雍祠五時獲赤鴈作歌孔頴達左傳正義宮即廟也象有尊貌則謂之為廟

言其牆屋則稱之為官祭謁無虧白鶴翔於清廟漢書宣帝尊孝武廟號為代宗

所巡狩至郡國皆立廟吉祀代宗廟日有白鶴集後庭毛萇詩傳清廟者祭有清明之德者之官也則有

輕饗薦黷齋明尚書惟受謂祭無益左傳黷齋明杜預注云不詳事神蓋都者舊傳蜀郡張寬

漢武帝時為侍中從祀甘泉至渭橋有女子浴於渭水乳長七尺上怪其異遣問之女曰帝後第七車知我所

來時寬在第七車對曰此星主肅承顧廟漢書文帝作祭祀者齋戒不嚴則女子見顧成廟今在

霸陵虔奉閼宮何法盛晉中興書虔奉郊祀毛詩閼宮有恤鄭玄箋云閼神也姜嫄神所依故

曰神方行盥滌之規周易觀盥而不薦王弼注云宗廟之可觀者莫盛於盥至薦簡畧故

觀盟而不觀薦宋顏延年郊廟歌有牲在滌禮記  
帝牛必在滌三月鄭玄注云滌牢中所搜除處  
**有事**

**宗禋之典**

左傳天子有事於文武杜預注云有祭事也尚書禋於六宗孔安國注云精意以享謂

之禋宗尊也

**龍旂是禱**

**禘**

毛詩小序載見諸侯始見於武王廟也龍旂陽陽條

革有鷩鄭玄箋云文龍為旂降革轡首也

**馬信來朝威儀肅肅**

毛詩有客微子來見祖廟

也曰有客有客亦白其馬有萁有且敦琢其旅鄭玄箋云其來威儀萁萁且且

**理須恭敬乃志**

禮記祭統云非有恭敬則不齋齋者不樂言不敢散其志也

**靜慎其心**

禮記祭統云心不苟慮必

依於  
**玉瓚之獻克修**

禮記季夏以禘禮祀周公於太廟灌用玉瓚

**金罍之壽**

**斯薦**

毛詩我姑酌彼金罍注云金罍酒樽也諸侯大夫皆以黃金飾傳穀歸賦滋金罍而列玉觴

**何**

得散齋之日

禮記祭義云散齋於外  
祭統云散七日以定之

迓社之辰周澤之

潔無聞

後漢書周澤為太常清潔修行嘗卧疾齋宮妻  
憐其老歸闕問澤怒以為干犯齋禁送諸獄

荀彧之容先發

魏志荀彧字文若典畧禍衡謂荀  
文若可使弔喪荀容慘悴故云

長驅

馬足便過元伯之家

戰國策樂毅長驅至齊張衡東京  
賦馬足未極後漢書張邵字元伯

汝南人范式字巨卿山陽人相去千里二人友善後元  
伯卒柩至塋不進移時有素車白馬號哭而來者乃范

巨卿

頓作驢鳴乃向仲宣之室

劉義慶世說王仲宣好  
驢鳴既薨魏文帝臨其

喪顧語同遊曰王好驢鳴可各  
作一聲送之赴客皆作驢鳴

不恭之罪法有常科

尚書

有苗

失禮之愆宜從明憲

毛詩式禮莫愆鄭玄箋云愆  
過也左傳大事於太廟躋僖

不恭

公逆祀也君  
子以為失禮

**官減**一等銅坐五斤數外更求未為通允

郊社一條

周有典祀秦漢有太祝至隋太常寺置郊社署令丞各一人唐因之

二月有事於太社太常博士馮敬有大功喪隱而

不論遂以行事付法科罪

社為土主稷是穀神

孝經緯社土地之主也土地潤不  
可以盡敬故封土為社以報功也

稷五穀之長也  
以偏祭故立稷

穀衆不可  
神以祭之

侑以姬周之祖配以烈山之

子

鄭玄禮記注  
食於社稷配

古者官有大功則配食其神故勾龍配  
食於稷顓府群玉稷田正也烈山氏之

柱為稷自爰以  
商以來祀之自

上祀之周棄亦為稷自  
漢以來禹配社稷配稷  
**納錄受圖之哲**

春秋演孔圖王者當置圖蘇坐旁以自正也張衡東京賦高祖膺蘇受圖薛綜注云膺蘇謂當五勝之蘇受圖

卯金刀之語毛詩世有乘乾執契之君周易乾之象曰哲王鄭玄箋云哲智也

天王弼注云乘變化而御大器杜祐通典唐置乘乾門老子聖人執左契注云古者刻契合符以為信莫

不崇尚其道

顏延年曲水詩序莫不崇尚其道神明其位

肅恭其事

尚書大誥云肅

恭神人國語其誰敢不齊肅恭敬致力於神

夏殷履運仍開松栢之禋

宋表春秋

緯注五運五行用事之運也論語哀公問社宰我曰夏后氏以松殷人以栢孔安國注云凡建立社各以其土

所宜之木邢昺疏云夏都安邑宜松殷都亳宜栢

漢祖登朝復設扮掄之祭

漢書

高祖定天下詔御史治扮掄社春用羊豕祀之西京分雜記高祖少時常祭扮掄之社及移新豐亦還立焉

其玉帛

唐顏師古地祇祝文據此元辰敬以玉帛尚書五玉三帛孔安國注云諸侯玉帛為贄以見之

建五色之靈壇

漢舊事天子大社以五色土各一斗潘岳藉田徐州牧歲貢五色土

賦我皇乃降靈壇撫御耦

薦以牲牢

毛詩瓠葉篇序雖有牲牢饗餼不肯用也毛萇傳云牛羊豕為

牲繫養者曰牢

具三重之芳酌

禮記祭統云祭有三重焉奉三重而薦諸皇尸許慎說文酌三

重之酒也史記注正月旦作酒八月成名酌酌言純也初學記漢武帝時八月嘗酎會諸侯廟中出金助祭

八音間發

尚書舜典云八音克諧益稷云笙鏞以間孔安國注云間迭也禮記子夏云此古樂之祭

也六舞交馳

周禮樂師掌教國子六舞宋顏峻七廟迎神辭六舞肅列九變成終社主享

而成休

孝經緯社土地之主也

明靈歆而降福

宋顏延年詩邑社搃地靈左傳能歆

神人杜預注云散饗也張衡東京賦神歆饗而顧德又左傳云神降三福時無災害命三老漢書

三老掌率百神漢書高祖十年春有司奏令縣道常以教化春二月及臘祠社搜玉燭寶典臘者祀

先祖蜡者應瑞雀於青疇禮稽命徵祭五岳四瀆得其報百神宜則黃雀見注黃雀土精北

齊裴讓之公館燕酬詩歲稔鳴掃飛蝗於翠畝行傳介銅雀許慎說文疇耕治之田也

蟲有甲能飛揚於春秋為蟲今謂之蝗毛詩田祖有神秉畀炎火鄭元箋云田祖之神不受此害持之付於炎

火使自則千倉歲積鄭玄毛詩箋成王見委積三農之消亡之多是求千倉以處之三農之

蓄有餘周禮三農生九穀賈公彦疏云謂萬庾年登齊農氏於原隰及平地三處營種

義霍將軍北伐詩位登萬庾積毛萇詩傳露積曰庾孔穎達正義云露地積聚之九章算術平地委粟是也禮

記曲禮云歲九載之儲斯溢唐書武后策云國廩罕蓄凶年穀不登

國無九年之蓄曰不足孔穎達正義云每年入物分爲四分一分儲積三分當年所用三十年當有九年之蓄

馮敬身居典禮職在秩宗漢書太常古官云伯夷秩宗典三禮欲令國家盛大社稷

常存故應知六祝之詞頗達六祈之訓周禮太祝掌六祈太常

神示掌六祈帶斯凶服輒入禮宮禮記祭義云郊之祭以同鬼神示

御史奏彈雖言奉法詳刑結罪文獻通考唐龍朔二年改大理寺為詳刑須

按科條廟享誠則有違社稷元來不禁彈無反坐律許

執丈風俗通謹按律者法也枉被凝霜理須清雪率陶謨虞云始造律

大樂一條

周官有司樂秦漢有大樂令魏晉而下俱有大樂令丞唐因之掌習音樂

大樂令盧慶狀稱五帝殊時不相沿樂三王異代

不相襲禮

此二句古樂記文

請改聖朝樂名大象天下往

極為號又應國姓

古之天子制禮以安人

荀子人生有欲則亂先王制禮義以養之孝經安上治民莫善

於禮昔者明王作樂以崇德

周易先王以作樂崇德

移風易俗

孝經移風

易俗莫善於樂

成孝敬而厚人倫快耳娛心

李斯上逐客書快耳者真秦之聲傳

元歌詩琵琶與第能娛我心

感鬼神而通教化

毛詩大序動天地感鬼神莫近於詩先王

以是成孝敬厚  
人倫美教化  
調茲六氣  
左傳天有六氣陰  
徵主夏而

角主春

張湛列子注商金音屬秋角木音屬春羽水音屬冬徵火音屬夏禮記月令云春其音角夏其

徵導彼五音

呂氏春秋黃帝命伶倫鑄十二鐘以和宮五音禮記五音六律十二管還相為宮

動脾而商動肺

史記樂書云宮動脾商動肺史記樂書云宮動脾商動肺史記樂書云宮動脾商動肺

信

樂記

故奏雲門以祭天

周禮注凡樂作謂之奏周禮大司樂云乃奏黃鐘歌大呂

舞雲門以祀天神

地則不動而生

樂叶圖徵受氣於天布之於地以時出萬物者也禮記中

庸云不動而敬

故奏咸池以祀地

周禮大司樂乃奏太簇歌應鐘舞咸池以祭地示

則無象而化

老子大象無形

神則不怒而威

樂記

故暢之以鐘

鼓

周禮凡樂事以鐘鼓隋何安樂詩大樂遺鐘鼓

娛之以絲竹

禮記金石絲竹樂之器也隋何

安觀樂詩清管調絲竹

廉直正誠之響發而人肅恭

禮記樂記云廉直勁正莊

誠之音作而民肅敬

粗厲猛毅之音生而人剛健

禮記樂記云粗厲猛起奮末廣

賁之音作而民剛毅

哀思為亡國之樂其政陵遲

禮記樂記云亡國之音哀以思

其民困燕丹子太子送荆軻易水之上軻起為歌高漸離擊筑和之為壯聲則士髮衝冠為哀聲則士皆流涕

怨怒為亂世之音其風轉替

禮記樂記云亂世之音怨以怒其政乖

故詳

其律呂師曠知其盛衰

史記衛靈公適晉舍濮上夜聞琴聲召師涓駕之至晉以奏師

曠曰此師延靡靡之樂武王伐紂師延投濮故聞此聲必濮水之上先聞者國消

察彼軒懸延

陵識其興廢

周禮小胥正樂懸之位諸侯軒懸左傳季札如晉宿於戚聞鐘聲焉曰辨而不德必

加於戰文子聞之終身不聽琴瑟注云戚孫文子之邑延陵季札邑名蔡琰別傳琰蔡邕之女年六歲邕夜鼓

琴絃斷琰曰第六絃邕故斷一絃問之琰曰第四絃邕曰偶得之琰曰吳札觀化知興亡之國由此觀之何足

不知隋許善心樂詩獨有延陵聽應知亡國音自王澤既竭風雅莫流漢書班固云成

康沒而頌聲衰王澤竭而詩不作隋許善心樂詩澤竭英莖散文侯聽鄭而不寢禮記魏文

侯曰吾端冕而聽古樂則唯恐卧聽鄭衛之音則不知倦孔子聞韶而忘味成公綏嘯賦孔

父忘味而不食周氏論語注孔桑間濮上流宕忘歸禮記

桑間濮上之音亡國之音也其政散其民流謳上行私而不可止也下里巴人奔波逐遠

宋玉對楚王問客有歌於郢中者其始曰下里巴人國中屬而和者數千人

聖朝均四暢

韻會

均樂器名制長七尺擊之以絲以均樂音又云音律由濁至清為一均禮記樂記云四暢交於中而發作於外劉歆七畧瑟道有充暢逸充廉善天下無不通暢故謂之暢調八風淮南子夔作樂

元禮記注八風聽鳴鳳以和音

漢書黃帝使伶倫取嶰谷之竹為十二筩以聽

鳳之鳴命飛龍而度曲

帝王世記顓頊登帝位命飛龍而制律效八風之音作五莖以祭上帝

古樂府有飛龍篇

上通咸夏

樂動聲儀黃帝曰咸池禹曰大夏晉成公綏嘯賦超韶夏與咸池

式隆殷薦之儀

周易先王以作樂崇德殷薦之上帝

俯定莖英

樂動聲儀顓頊樂曰

五莖帝嘗樂曰六英宋衷注云五莖能為五行之道立根本也六英能為天地六合之英華也允叶昭

容之典

沈約宋書漢樂曰昭容注云高祖造生於武德

歌九序

尚書九功惟歌序九序惟歌

諷

六詩

周禮瞽矇掌九德六詩之歌漢書樂者歌九德誦六詩

聞其聲而德和

外傳韓詩

湯作大蔭聞其聲使人溫良而寬大五經通義聞官聲無不溫雅而和

省其文而心正

記禮

樂記云省其文衆史記樂所以和正心也

盧慶職參樂令

文獻通考秦漢有大樂令歷代因之

唐有大樂令丞掌習音樂人簿籍

匠典倡優

史記秦昭王云楚之鐵劍利而倡優拙劉向說苑秦

始皇建離宮四百所皆有鐘磬帷帳婦人倡優

履師摯之前規鄭玄論語注師

闕雅之聲王儉楮淵碑無替前規

躡曹褒之舊躡

後漢書曹褒為博士朝廷欲制定禮樂拜

為侍中褒奏尚書璆璣鈴曰有帝漢出德治作樂名予詔改大樂官曰大予以應圖識

以為質文

通變禮樂殊途輒進嘉名深陳雅稱執大象而天下往

老子執大象天下往河上公注云執守也象道也聖人守大道則天下萬民移心歸往也其德彌長

禮記觀其舞知其德史記舞所以明德行大道而海內和也禮記大道之行也天下為公

其風載遠

毛詩其風肆好

命伶倫而討韻雅合夔鐘

呂氏春秋黃帝命伶

倫鑄十二鐘其曰夔鐘則未詳陸德明莊子音義黃帝在位諸侯於東海流山得奇獸狀如牛蒼色無角一足

能走出入水即風雨目先如日月其音如雷名曰夔黃帝殺之取皮以冒鼓聲聞五百里此可言夔鼓非夔鐘

也或曰夔人名杜夔也晉書律歷志魏武時杜夔鑄鐘為精作杜夔亦通但於黃帝伶倫事却未協書之以待

博者證之召荀勗以調聲自諧牛鐸晉書荀勗初於路達趙賈人牛鐸識其聲及掌

樂音韻未調乃曰得趙之牛鐸則諧矣果然

### 千童萬舞

漢書郊祀歌云千童萬舞成八佾合好文

歡虞秦一韓詩外傳萬大舞也毛詩閟宮云萬舞洋洋

### 共朱鴈以齊行

漢書武帝幸東海獲

赤鴈作朱鴈之歌梁揚璈舞詩就行齊逐唱赴節暗相和

### 八佾九歌

穀梁傳天子八佾白虎通佾者

何列也楚詞啓九變與九歌山海經夏后氏上三嬪於天得九辨與九歌以下

### 將赤蛟而合節

漢書武帝有赤蛟之歌楚詞一律兮合節王逸注云合會六律以應舞節

### 尤禪聖化甚益皇

### 明宜下太常

初學記秦置奉常漢改太常如淳注云常典也常典三禮故曰太常或曰秦常王者

之旌禮官主奉持之故曰奉常

### 先宣美號

### 鼓吹一條

周有鼓人漢有承華令梁有清商署唐置鼓吹署令丞各一人所掌頗與大樂同

鼓吹令王乾狀稱鼓吹鹵簿國家儀注器具濫惡  
請更改修制禮部員外崔嵩以府庫尚虛此非急

務判停

鳧鐘隱隱

考工記鳧氏為鐘鄭敬仲注云鳧入水不溺勝水不淫先王作樂亦欲無淫溺之音隋何

安樂詩寥亮鳧鐘微

隨九變以交馳

周禮若樂九變則人鬼可得而理

鼉鼓逢逢

毛詩鼉鼓逢逢陸機注云鼉皮堅可以冒鼓毛萇傳云逢逢和也

和八音而間作

周禮大司

樂丈之以五聲播之以八音國語為之六間韋昭注云六呂所以間陽律成其功尚書笙鏞以間孔安國注云

間迭也爾雅遞迭也李巡注云遞者更迭間相代之義班固兩都賦序時時間作或短簫橫引

崔豹古今注短簫饒歌軍樂也黃帝使岐伯所作三禮圖短簫二十一管軍中鼓吹樂古今樂錄橫吹胡樂張

騫入西朱鷺鏘鏘毛詩義疏楚威王時有朱鷺合沓飛翔而來舞舊鼓吹朱鷺曲是也陳蘇子卿

鼓吹曲朱鷺詩玉山一朱鷺振翰入王畿欲向天池飲還統上林飛金堤麗羽翮丹水浴毛衣非貪葭下食懷

思自或長笛手吹馬融長笛賦序融性好音律故聊備數作長笛賦曰繁手累發密櫛繁重

笛賦喬玉紫駟淒切古樂府紫駟馬曲云十五從軍征手攜朱脣

阿東宮所設殊非列代之規晉東宮舊事皇太子納妃四望車羽葆前後部鼓吹

各一平閣爰施亦匪先王之制崔豹古今注漢有黃門鼓吹一名樓車古今樂

錄鼓吹有龍頭大然國家儀注須應禮經隋書經籍志云綱中鼓獨獨小鼓儀注之興久矣

周衰諸侯削其籍漢興叔孫通定朝儀曹褒定漢儀世有制作今聚為儀注篇初學記鼓吹皆有品秩天子以賜臣下及軍既崇鹵簿之班蔡邕獨斷天子出車駕次旅皆用之第謂之鹵簿五經精義鹵

簿自秦漢始有其名鹵大楮也所以捍敵部伍之火皆著之簿故言鹵簿魏吳質別傳質為中郎將朝京師上

歡喜其到詔將軍

又惠功臣之錫

江表傳孫策賜周瑜

列鹵簿作鼓吹

俊異才前在丹陽發衆及船糧以濟大事論德酬功此未足以報也荆州先賢傳羅欽以太平二年進位增鼓

吹樂

有國有家朝章不可暫虧

史記鄒忌以鼓琴見齊威王曰夫理國家皆在

其去食去兵禮樂如何輒廢論語去食去兵禮記王乾中

王乾

狀請崔嵩判停爾愛其羊我愛其禮

包氏論語注羊存猶以識其禮羊亡

禮遂

速令鳩集

梁劉孝標借類苑書鳩集斯文宋陸佃

字從九以

請勿狐疑

楚詞心猶豫而狐疑兮歟

太卜一條

周官太卜掌三兆之法秦漢有太卜令後漢并於太史至隋有太卜令丞各一人唐因之

太卜袁綱善卜所言立驗有術士榮儼夜無故被

殺不知頭首使綱筮之竟不知賊處御史彈綱情

有向背而不言付法

楓天棗地

陸佃埤雅楓之人形者風神居之夜遇暴風驟雨則暗長數尺故造拭者以為蓋也以火

霆擊棗木載之所謂楓天棗地韻會拭木局也觀倚伏

於無形

老子禍兮福所倚福兮禍所伏管子虛無無形之謂道老子天象無形

方智圓神

周易著之德圓而神卦之德方以智

察幽明於未兆

周易仰以察於地理是故俯以察於地理是故

知幽明之故曾子夫子曰天道曰員地道曰方方曰幽圓曰明玉篇龜拆曰兆後漢書天文志萌而未兆

年鼠卜尚辨吉凶

抱朴子玉策記稱鼠壽三百歲滿一百歲則色白善憑人而卜能知一年

中吉凶及千里外事也

五德鷄占猶知禍福

韓詩外傳鷄有五德唐柳宗元詩鷄骨占

年拜水神漢書武帝令巫祀上帝百神用鷄卜注云鷄卜如鼠卜也卜歲之豐凶

長安季主不

以榮辱存心

史記日者傳云司馬季主賣卜於長安東市宋忠賈誼曰何居之卑行之汙季主捧

腹大筵

蜀郡嚴平不以衣冠介慮

漢書蜀有嚴君平卜筮於成都市得百餘錢足

自養則閉肆李強為益州牧數  
與相見卒不敢言以為從事

袁綱雅望四兆

周禮卜師掌開

龜之妙達二臣

二臣未詳或曰即季主君平也

榮參九筮之班

周禮筮人掌三

易以辨九筮之名

藝審千著之訣

逸禮著千歲三百其本已老也儀禮疏郭璞注云著下有

千齡蔡凡蟲之智莫善於龜凡草之靈莫善於著著龜自有靈也

東方朔之暗射指掌

可知

漢書武帝使諸倡射覆置守宮盆下朔能中上善之賜帛包咸論語注指示掌中之物言其易耳

淳于智之精通毫釐無失

晉書淳于智能筮夏侯藻母病請智卜忽有一狐當門向

之嗥藻馳見智智曰速歸在狐嗥處拊心啼哭令家驚怪畢出藻如其言母亦扶病出堂屋五間拉然而崩漢

書失之毫釐謬以千里

均趙達之迴筮要妙如神

吳志趙達治九宮一筮之術嘗

過故知曰倉卒乏酒穀達取隻筋再三縱橫之乃言卿  
東壁下有美酒一斛鹿肉三斤主人遂出酒酣飲吳志

此之謂

比吳泰之求棋縱橫必中

方術記夫十二棋卜黃石用之行師萬不

失一按吳泰求

有蛇銜筆立定徽祥

魏志管輅見安平守王基基命作卦

輅曰床上當有大蛇銜筆大小共  
視須臾失之且曰蛇者書佐也

有蟻開封行看潤澤

焦貢易林震之蹇蟻  
封穴戶大雨相集

遺豹冠於獵所逆見繇辭

古文瓚語范猷

子卜繇占之繇曰君子得龍小人遺冠獻于獵而無得  
遺其豹冠左傳姜氏問繇杜預注云繇兆辭鄭玄周禮

注灼龜得兆  
各有繇辭

懸馬鞭於樹間預知貧富

王隱晉書鮑陸家有凶淳于智

卜之曰可買新馬鞭懸舍東北大樹當暴得財陸市馬  
鞭懸之三年林中得錢數十萬於是棄用既展家亦無

恙如斯術數漢書術數者皆義和卜史之職寔繁有徒尚書榮儼薄解

醫方

帝王世紀黃帝使岐伯與醫今經方咸出焉

微知小伎

小伎猶言小達

遭費祿

之刺客遂隕輕姿

蜀志費祿為尚書令歲首大會魏降人郭循在坐祿歡飲沉醉為循手刃

所害史記有刺客傳後漢書先武謂馬援曰卿非刺客

遇袁盎之讐人俄傾重耳

漢書梁孝王欲求為嗣袁盎諫止王以此怨盎使人刺殺盎安陸郭門外崔豹古今注重耳古重較也文官青

耳武官亦耳○按重耳盎所乘車也傾重耳喻盎遇害

莫知賊首須察真蹤綱為

研尋竟無的狀將為隱避爰被奏彈理須直守正途不

可偏拘小節何也龜稱聖智不能免宋元之鑽

墨子夏后鑄鼎

灼自若之龜繇曰九鼎既成而達三國無聖之智豈能  
知哉莊子宋元君夜夢人曰予為清河使河伯之所漁  
者豫且得子元君占之神龜也  
得之以卜七十二鑽無遺策  
龍號神明不能脫夏叅

之網

唐陳子昂塵尾賦天道之用莫神於龍受戮為醢  
不知其凶歸藏易昔如蝸莖張雲幕收占神明通

鑑外紀帝孔甲元年天降乘龍有雌雄有劉累學擾龍  
於泰龍氏夏后嘉之後龍一雌死潛醢以食夏后夏后

饗郭璞洞林之妙竟被嚴誅

晉書郭璞嘗撰前後筮驗  
六十餘事名為洞林王敦

謀逆使璞筮曰無成壽且不久敦大怒問卿壽幾何曰  
命盡於今日敦即收斬之漢書當順天氣成嚴霜之誅

京房易傳之微終從大戮

漢書京房著易傳四卷其說  
長於災變吳郡周厥師事房

房為石顯所譖繫獄謂厥曰吾死後四十日客星必入  
市即吾無辜之驗也房死果如其言左傳明王伐不敬

以為大哉知有所不察神有所不通楚辭知有所不通既處重

### 刑恐虧平典

### 太醫一條

周官有醫師秦漢有太醫令丞隋有太醫署令唐因之

太醫令張仲善處方進藥加三味與古今不同斷

絞不伏云病狀合加此味仰止處分

五情失候多生心腹之災

文子昔者中黃子曰色有五章人有五情山海經巴蛇吞

象三日而出骨君子服之已心腹之疾周易剥床以膚切近災也

六氣垂宜必動肌膚

之疾

左傳天有六氣淫生六疾六氣者陰陽風雨晦明也禮記肌膚之會

絕更生之藥必

藉良醫

十洲記月支國獻香使者曰斯更生之神丸也疾病災死者將能起之左傳晉侯求醫於秦秦

使醫緩未至公夢二

至返魂之香誠資善療

十洲記聚

以呪療尸在地聞香即活佛說療痔病經痔有十五種但以呪療○按既絕彼藥必藉良醫又乏伊香誠資善療

言醫之任重也

張仲業優三世

禮記醫不三世不服其藥

方極四難

後漢書郭玉療

貴人時或不愈帝問其故曰有四難焉

非無九折之能

楚辭九折臂而成醫

寔掌萬

人之苦

周禮疾醫掌萬民之疾尚書六極二曰疾孔安國注云嘗抱疾苦

郭玉診脉妙

識陰陽

後漢書郭玉善別脉章帝令童男衣女子之衣使玉診脉玉曰據脉狀陽盛陰弱臣謂非女帝

善文摯觀心巧知方寸

列子龍叔謂文摯曰吾有疾子能已乎文摯令背而立曰嘻吾

見子之心矣方寸之地虛矣佛說耆域絳耆域達一小兒担樵悉見五臟域念本草經說有藥王樹從外照內

見人臟腑此兒樵中得無有是樹耶樵束最後有仙人一小枝纔長尺餘試取以照見其腹內域大歡喜

**董奉之靈杏**

列仙傳董奉居廬山為人治病得愈者種杏五株號董仙杏林山海經林山之下其

本多

**足愈沉疴**

風俗通李彬請主簿飲疑弩影羽客安得疾復置飲見其前沉疴頓愈

**期之神棗**

南方草木狀海棗五年一實實甚大昔李少君謂漢武帝曰臣嘗遊海上見安期生食巨

棗大如瓜非誕說也晉傅元賦有棗若瓜出自海濱全生益氣服之如神

**攻茲美疾**

左傳臧孫曰季

孫之愛我美疾也孟孫之惡我藥石也美疾不如藥石

**華陀削胃妙達古今**

魏志華陀

精於方藥若疾在腸胃則斷截瀦洗除去疾穢既而縫合一月平復

**仲景觀腸譽聞寰宇**

名醫錄仲景南陽人名撰著金匱玉函經八卷觀腸未  
詳佛說耆域經耆域善治病有長者子輪上嬉戲腸結  
腹內域至子已死曰非死也取刀破腹即為解腸復還  
本處遂愈抱朴子文摯慙筋以療危困仲景穿胸以納  
赤餅此但醫聖躬述謹謹按名方肅奉龍顏春秋元命  
苞女登生

子人而龍顏始為天子

須窮鵲術

釋氏諸經要集永明八年帝躬弗愈雖和鵲薦術茵枕猶滯鵲

一作鴻術晉郭璞巫咸山賦序蓋巫咸者以鴻術為帝堯之醫

豈得不遵古法獨任新

情棄俞跗之前規

史記上古之時醫有俞跗療病不以湯液乃割皮解肌湔洗腸胃漱滌五

臟精煉易形

失倉公之舊軌

史記太倉公者齊太倉長臨淄人也姓淳于名意為人治病決

生死若君臣相使情理或通

張仲景金匱神農能膏百藥皇帝素問藥有君臣佐

使錦囊故事藥性有剛柔能治制禦者為若畏惡相刑  
君順伏者為臣凡修藥餌君臣不可缺也

**科條無捨**

按畏惡謂藥有可畏可惡者何法盛晉中興  
書穆帝升平二年詔曰頃飛督王饒忽上吾

鶴以避惡此凶物豈宜妄進於是輒鞭饒  
二百使殿中孫雲監臨於四衢道焚之進劾斷絞亦

合甘從處方即依誠為苦屈刑獄之重人命所懸宜更

**裁決毋失權衡**

**太史一條**

昔少昊氏以鳳鳥氏為歷正顓頊有重黎唐  
虞有羲和夏商有太史周又有馮相氏保章

氏秦為太史令漢為太史公歷代相因  
分曹置監名亦不一唐初為太史局

**太史令**

唐置太史  
令三人

杜淹教男私習天文兼有玄象

器物被劉建告勘當並實

粵若顓頊命南正以司天

史記歷書云顓頊命南正重司天以屬神北正黎司地以

屬民昔在帝堯列東官以賓日

尚書堯典云分命羲仲寅賓出日平秩東作孔安國

注云羲仲治東方之官寅敬賓導秩序也東方之官敬導出日平均秩序東作之事山海經東南海水之間有

義和國有女子曰羲和氏生十日郭璞注云羲和能生日也故曰為羲和之子堯因是立羲和之官以主四時

履端於始序則不愆舉正於中時乃不忒

史記歷書語

自秦

稱金贇

音眩爾雅贇有力郭璞注云出西海大秦國似狗多力獠惡或曰贇即虎也駱賓王螢火賦牛

哀條而化贇是用淮南子牛哀病七日而化為虎也張衡東京賦辛於金虎羸氏搏翼薛綜注云金虎西方白

虎神主金贏秦姓也周書曰無為虎傅翼將飛入邑擇人而食也。予按秦得金瑞主西方如虎搏翼食人故

曰秦稱叨五勝之宏綱漢書鄒衍因秦頗推五勝法云五行相勝秦以周用火以水勝

之金贊漢起玉鷄帝王世記昭靈后名含始遊於洛池有玉鷄街赤珠刻曰玉英吞此者王含吞之生

漢祖叶三微之遠度謂白虎通正朔有三何不天有三統劉季

旋萬物動微徵洛下命唐都漢書漢造太初歷凡二十而末著者也

閱與攷大衍之始終李石續博物志明皇詔僧一行鑄馬渾儀及大衍歷先是漢洛下閎云

此歷後一千年差一日有聖心伏羲夢周旦道藏經老人出而正之至是果一千年

時說元陽經教伏羲畫八卦又云周公屈膝於床前老子教以璇璣經。按心伏羲冥會也亭周旦神遇也論

語久矣吾不步太初之盈縮史記索隱占有太初歷以建寅為正殷周秦不用漢

武帝時改為太初歷淮南子孟春始盈孟秋始縮高誘注云盈長也縮短也四營因之式序

八變所以無差周易四營而成卦五星叶度於上萬物

和平於下漢書五星若連珠隋書天子置日官杜淹位

參義仲孔安國尚書注重黎之後義氏和氏世掌天地四時之官義仲治東方之官也聲振子

韋漢書術數者義和太史之職也春秋時宋有子韋許慎淮南子注子韋司星者也子按陰陽家書有子韋

一覽沮誦之前規世本黃帝始立史官遵史談之舊典

文獻通考漢武帝置太星聚東井逆辨休徵漢書高祖史公以司馬談為之初入關五

星聚於東井注云東井秦之分野五月犯少微懸知應

變

續晉陽秋會稽謝敷隱若耶山忽月犯少微星少微一名處士星時戴逵名著於敷時人憂之俄而敷死

故會稽人嘲吳人曰使星已發無違寸景之期

後漢書李鵠善

吳中高士求死不得使星已發無違寸景之期

河圖風星和帝遣使者觀風俗鵠問曰君發京師寧知朝廷遣二使耶一人驚問曰何以知之鵠指星示云有

二使星向

益州分野 紉氣莫闕不爽分毫之信

雷次宗豫章記吳末亡恒有紉氣見

斗牛間占者以為吳興惟張華以為不然及吳平此氣愈明華曰此寶紉氣北齊魏收秋宴詩使星疑向蜀紉

氣不 官居太后夙已上聞

後漢書天文志云建武九年十一月金犯軒轅軒轅者後

宮之官大星為皇后金犯之為失勢是時郭后廢

宋起真人預為先覺

魏志初桓帝時

有黃星見於楚末之分遼東商地善天文言後五十歲  
當有真人起於梁沛之間其鋒不可當其後曹公破袁  
紹天下譙周之論蜀滅蜀志譙周曰主諱備其訓具也  
莫敵矣後主諱禪其訓授也劉具常授  
於人蜀既亡咸杜瓊之說曹興蜀志杜瓊曰古者官職  
以周言為驗不言曹漢末名官盡言

曹吏言屬曹卒言侍此列代之攸欽邦家之要籍淹之

少子雅愛其書習張衡之渾儀後漢書張衡為太史令  
造渾天儀鑄銅為之

論陸績之玄象吳志陸績星厯算數無不該覽嘗作渾  
天圖注易釋玄皆傳於世隋書天文志

云陸績作渾天象形如鳥卵以施二道父為太史子學天文堂構無隙家

風不墜魏陳琳檄各紹堂構隋書牛宏傳云子實  
不才崇基不構干紀化義以墜家風惜哉私家

不容輒畜史局何廢流行准法無辜按宜從記

刻漏一條

隋書黃帝創觀漏水其後因以命官周禮挈壺氏則其職也其法總以百刻分於晝夜春

秋二分各五十刻司馬彪續漢書孔壺為漏節箭為刻下漏數刻以考中星昏明焉

漏主夜睡不覺失明天曉以後仍少六刻不盡鐘

鼓既晚司官失朝

挈壺所掌

梁刻漏經肇于軒轅之日宣乎夏商之代至周挈壺氏掌之鄭元周禮注壺盛水器也挈

壺水以

司刻成班

陸倕刻漏銘銅史司刻殷夔漏刻法蓋上鑄金為司辰桓譚新論余為郎

典刻漏賈公彥周禮疏以器盛四十八箭箭各百刻以壺盛水懸於箭上節而下之水淹一刻則為一刻四十

八箭者蓋取備二十四氣也

### 銅史分曹

晉起居注孝武大元十二年有司奏儲宮初建未有刻漏

參詳永安宮銅漏刻置漏刻史

### 金徒啓位

陸倕刻漏銘金徒抱箭張衡渾天儀蓋上又鑄金銅仙人

居壺左為胥徒居壺右皆以左手把箭右手指刻以別天時早晚

### 陰蟲成魄恍惚如神

陸機漏刻賦伏陰蟲以承波孔安國尚書注魄形也老子恍兮惚兮其中有物隋機漏刻賦夫象神造法猶鬼

### 變靈虬吐津希夷若鬼

陸倕刻漏銘靈虬承注張衡渾天儀制以玉虬吐漏水老子視

之不見曰夷聽之不聞曰希宋玉高唐賦若生於鬼若出於神陰符經爰有奇器是生萬象八卦甲子神機鬼

藏陰陽相勝之術昭昭乎進乎象矣

### 日不藏往晦明之所莫違

周易曰往則月來陸

倕刻漏銘日不藏往杜預左傳注晦夜也明晝也

### 月不爽來寒暑由其順序

陸倕

刻漏銘月不遁來周易日月運行一寒一暑莊子陰陽四時運行各得其序

自三苗亂政五

霸任權史官喪紀疇人廢業

漢書律歷志云重黎之後三苗亂德五霸之後史官

亡紀疇人子弟分散如淳注云家業世世相傳為疇陸倕刻漏經司歷亡官疇人廢業

孟陬於焉

舛候攝提所以垂方

漢書律歷志云孟陬珍滅攝提失方注云正月為孟陬歷紀廢絕閏

餘垂錯不與正歲相值謂之珍滅攝提星名隨斗杓所指建十二月若歷誤春三月當指辰而乃指巳是為失

方陸倕刻漏銘擊刁舛次聚木垂方

五夜不分六日無辨

此二句陸倕刻漏銘語也毛萇

詩傳古者有挈壺氏以水火分日夜以告時於朝衛宏漢舊儀中黃門持五夜甲夜已夜丙夜丁夜戊夜也淮南子歲遠六日終而復始高誘注云遠六日今年以子冬至後年以午冬至

聖朝修百年之

獎政舉千載之類綱

陸雲識會詩類綱既振

龍首應時

後漢書張衡作地動

儀以精銅鑄成外有八龍首銜銅丸下有蟾蜍張口承之如有地動則龍吐丸而蟾蜍銜之

鷄人合

節

周禮鷄人凡國事為期則告之時鄭元注云象鷄知時也賈公彥疏云按庭燎詩注主有鷄人之官告

之以時王不正其官而問夜早晚非也

大小之候其砌莢以凋榮

薛綜東京賦注

瑩莢瑞草王者賢聖生於階下始一日生一莢至月半生十五莢十六日落一莢至晦日而盡小月則一莢厭不落王者以證月之昏旦之期逐宮槐而舒卷

五經要義昏闌

也旦明也日入後漏三刻為昏日出前漏三刻為明爾雅守宮槐葉晝聶宵炕郭璞注云槐葉晝日聶合而夜

炕布名為守宮槐孫炎注云聶合炕張也言其葉晝合夜開

二分二至無虧余遂之

蹤

杜預左傳注分春秋分也至冬夏至也周王褒漏刻銘二分周道烏靈正其昏夕而至相遇表圭測其長

短余遂未詳

大餘小餘允叶容成之度

史記大餘者日也小餘者月也蓋因其所

餘以定閏世本黃帝使羲和占日常儀占月史區占星氣伶倫作律呂大撓作甲子隸首理筭數容成綜此六術而著

何得漏生弛慢吐號垂宜朝官顛倒於衣裳

毛詩

東方未明顛倒衣裳鄭玄箋云挈壺失漏刻之節未明而以為明故群臣促遽群臣之朝別色始入街吏

失期於鐘鼓

馬縞中華古今注唐舊置京城內金吾

君望曉莫聽鐘聲

事文類聚齊武帝以內深隱不聞端門鼓聲置鐘於景陽樓上宮人聞鐘

聲早起粧飾

京尹失時空奔馬足

司馬彪續漢書立秋之日夜漏未盡五刻京都百官

皆迎氣於西郊張衡  
東京賦馬足未極

漏司垂錯準法論刑

良醞一條

周官有酒正掌酒之政令漢晉以來俱有其官而名不一至隋置良醞署唐因之

會期日酒酸良醞署令杜綱添之以灰御史彈綱

綱款好酒例安灰其味加美不伏科

一稽乾象列酒旗之星下鑒坤儀制酒泉之郡

劉琨答盧諶詩

乾象棟傾坤儀舟覆九州春秋曹公置酒禁孔融以書嘲之曰天有酒旗之星地列酒泉之郡人有旨酒之德

堯不千鍾無以建太平杜康至妙肇發馨香

魏武帝歌何以解我

憂惟有杜康酒博物志杜康造酒儀狄精微爰施麴蘖  
或曰黃帝時宰人尚書至治馨香

世本儀狄始作酒醪古史考古有醴酪禹時儀狄作酒  
尚書說命云若作酒醴爾惟麴蘖孔安國注云酒醴須  
麴蘖以成用之於宗廟可以歆享百神用之於冠婚可以諧

和百姓

漢書酒者天之美祿帝王所以順養天下享祀祈福扶衰養疾百福之會非酒不可

杜綱

名班釀署官列醞司須明五齊之規頗解三酒之術

周禮

酒正辨五齊之名三酒之物賈公彥疏云齊者度量節作之謂三酒味厚人所飲者也五齊味薄所以祭者也

十釀之法竟未留心九醞之方曾無介意

史記貨殖傳云通邑大都

酤一歲而十釀西京雜記漢制以正月旦造酒八月成名曰九醞廣雅醞投也魏武帝集南陽郭芝有九醞春酒苦難飲增為鷄鳴下釀取蘭香而桂辛

北堂書鈔食經云下鷄鳴

酒法秣米二升麴三升水五升澆之今日作明日鷄鳴  
時熟漢書百味旨酒布蘭生晉灼注云布列芬芳若蘭  
之生郭憲洞冥記有遠飛鷄常銜桂枝之實歸  
於南山或落地而生衆仙對以釀酒名桂膠 鳩集為

徵遂果酸而梅醋

漢書東方朔出門見一鳩曰今當得  
酒必酸問其故曰出門見鳩飲水故

知得酒鳩飛集梅樹故知酒酸尚書洪範曲直作酸孔  
穎達正義云水實多酸五果之味雖殊其為酸一也又

說命云爾惟鹽梅孔  
安國注云鹽醎梅醋

懼貽災謹密縱奸訛頽下生蠅之

灰

淮南子爛灰生蠅陸佃埤雅蠅生於灰蓋蠅水溺死  
以置灰中須臾即活淮南子以為爛灰生蠅正謂此

也用添浮蟻之味

張衡東京賦浮蟻若薺釋名酒有汎  
齊浮蟻在上汎汎然如薺之多者汎

遂使聖人賢者變易常滋

魏畧太祖時禁酒而竊飲者  
以白酒為賢者清酒為聖人

從事督郵垂違舊性

世說桓溫有主簿善別酒好者謂青州從事惡者為平原督郵事

窮理盡方起遁辭

孟子遁辭知其所窮趙岐注云遁隱之辭若秦客之度辭也

觸網

掛羅妄稱前例

謂好酒例安灰也

豈得索郎清德橫被侵誣

耶

元水經注桑落河出好酒世人說訛為索郎故有索郎杯黃石公三畧侵誣下民

巴卿實功枉

遭點辱

盛宏之荊州記永安宮西有巴卿之村村善釀酒也東晉補亡詩莫之點辱王逸楚詞注點汚

也既虧竹葉之術

張仲陽七命豫北竹葉五臣注云竹葉酒名

宜從棘木之

科禮記王制云飲成大司寇聽之棘木之下春秋元命苞樹棘聽訟於其下棘赤心有刺言治人者原其心

不失赤實

大官一條

周官有膳夫庖人外饗秦為大官令丞漢魏以下皆置唐因之今丞各一人

大官丞李休供祭餘胙肉少依問款稱大常博士

王均每分肉取常多郎中吳爽拔劒割肉而去

在祀與戎國之大事

左傳國之大事在祀與戎

祭公不宿人之常禮

論語祭於公不宿肉

班賜神惠多少先有成規

周生烈論語注助祭於君所得牲體

歸則班賜輕褻鬼餘賢聖非無舊識

鄭玄論語注祭肉過三日不食是褻

鬼神之餘明目䟽趾具在常經剛鬣柔毛備諸彝典

禮記凡祭宗廟

之禮豕曰剛鬣羊曰柔毛雉曰䟽趾兔曰明目孔穎達正義云皆肥貌也桓麟七說然柔毛之狩

李休

位需主守職綰大官雖無負鼎之功

漢書伊尹負鼎親以滋味干湯致於

王

道實委操刀之任

左傳猶未能操刀而使割也

餘胙肉欠頗有指歸

依問款辭具陳萌緒為郎中吳爽強割逾豐博士王均

叨分太廣拔劍割肉愧方朔之能仁

漢書伏日詔賜肉太官丞曰晏不來

東方朔獨拔劍割肉去上令自責朔曰拔劍割肉何壯也歸遺細君又何仁也上笑曰乃反自譽

詣府

退魚謝公休之貞潔

史記公儀休相魯客有遺魚不受客曰君嗜魚何不受曰今為相能

自給魚若受魚而免誰復給我魚者

匪張華之職分數粒仍多

晉書張華為太常博

士轉兼中書郎慨然有感作鵠鵠賦有曰巢林不過一枝每食不過數粒

同廉頗之無厭百

斤不足

東晉發蒙記廉頗啖肉百斤

非慙非耻與草狗而不殊

淮南子譬

疾疫之草狗老子以萬物為芻狗注云古者結草為狗祭畢則棄

惟暴惟貪共茅鷃而

莫別

左傳工誦茅鷃杜預注云茅鷃逸詩刺不敬

深虧雅躅實蠹名流宜竄

避荒貳清朝列

掌醢一條

周官有醢人自後無聞至隋置掌醢署令丞各一人唐因之

光祿寺卿楊裕狀稱掌醢署令呂建居官清整不

邀名譽忠肅奉公未蒙進考

籩豆之事各有司存

論語籩豆之事則有司樽俎之間存也成注云籩豆禮器

非無主守

莊子庖人雖不治庖尸祝不越樽俎而代之郭象注云庖祝各安其所司陳之郊

祀可以接神明用之禮儀可以寧邦國

言籩豆樽俎之用如此 𧄸

醢鴈醢之類百代相因

許慎說文醢肉醬也周禮醢人饋食之豆凡七醢有𧄸醢鴈醢

賈公彥疏云𧄸蟻子也取白者以爲醢鄭司農云鴈或爲鵠𧄸音遲 龍醬鱻醬之流千齡

不易

許氏說文醬醢也通鑑外紀帝孔甲元年天降乘龍有雌雄劉累能飲食之後龍一雌死累潛醢以

食帝梁劉孝儀啓龍醬傳甘𧄸醢稱貴酉陽雜俎鱻八月腹中有真猶芒長寸許向東輸於海神未輸芒不可

食子按今海上多造鱻醬

呂建策名膳府委職庖官

左傳策名委質周禮膳夫庖人

既掌鹿醢

周禮三醢其二曰鹿醢鄭玄注云有骨爲醢無骨爲醢音泥

實司蛟鮓

王子

年拾遺記漢武嘗以季秋泛舟淋池釣得白鯨付大官  
為鮓肉紫骨青香美無倫劉熙釋名鮓蘊也以鹽米釀  
魚為鮓  
**鵝寒四獸之腊罔不留心**  
郭璞江賦奇鵝九頭劉  
駒駘玄根賦一足之夔

九頭之鵝虞世南北堂書鈔酒食部寒篇云釋名言寒  
羊寒鵝本韓國所為曹植言寒鵝蒸鹿曹植七啓寒芳

蓮之巢龜李善注云寒今臍肉也引鹽鉄論羊淹鵝寒  
毛萇詩傳冬獻狼夏獻麋春秋獻豕孔穎達正義云所

獻四獸以供膳計慎說文腊乾肉也周禮腊人掌乾肉  
鄭玄注云若今梁州烏翅賈公彥疏云涼州烏翅解乾

肉之壯也○鵝  
**羊臠五侯之鯖曾無注意**  
古今韻會說  
文云臠羊血

音倉腊音昔  
凝也陶氏本草注云宋時大官作臠劑藕皮落其中血  
不凝知藕之散血然則臠血羹也虞世南北堂書鈔酒

食部血篇云廬諸祭法春夏秋祀皆用臠血也釋名臠  
以血作之增其酢豉之味便堪以消酒漢書成帝舅五

人同日封侯故謂之五侯西京雜記五侯不相能賓客不相往來妻妾豐辨傅會五侯間各得其歡心競致奇

膳護乃合以為鯖世稱五侯鯖以為珍韻府群玉鯖煮煎魚肉字亦作𩺰。𩺰音勸鯖音征

鹿牙之

糝

古今韻會糝粒也周禮醢人糝食鄭玄注云取牛羊豕肉小切之合稻米以為餌煎之。鹿或作麋崔豹

古今注鹿有角不能觸麋有牙不能噬唐白居易詩鹿米麋牙稻。糝參去聲

馬齒之鹽

居陶隱

草注魏國所獻麋鹽即是河東大鹽形如結水圓點以強味賦苦麋鹽九種內有馬齒鹽馬齒鹽即大鹽點以

鳳林之醋

漢武內傳西王母謂帝曰仙上藥有鳳林鳴醋古今韻會醋本酢今人以此為酬酢字反

以醋為酢字時俗相承之雙也。醋音錯酢音昨

飲以烏程之茗

吳興記烏程縣西二十里

有溫山出御薺古今韻會茶晚取者多薺韻府群玉茶晚取為茗。薺音茗薺音醅

孟宗遺母猶

避嫌疑

列女傳孟宗為鹽魚池司馬自能結紉手捕魚作酢寄母母還之曰汝為魚官而以酢寄我非

避嫌也宗謝

杜預餉人惟求免罪

未詳

忠以奉上酌食泉

而彌清

晉書吳隱之為廣州刺史州有水名貪泉飲之懷無厭之欲隱之至泉所酌而飲之在州清操

愈廉以當官置脂膏而不潤

後漢書孔奮為姑臧長清儉人或譏之曰身處脂膏

不能自潤孔穎達禮記正義凝者為脂釋者為膏

朱文季執心強直榮位騰遷

後漢書朱暉字文季遷臨淮太守吏人歌曰強直自遂南陽朱季肅宗召拜僕射

黃叔度獨守

恬虛聲名籍甚

後漢書黃憲字叔度太守禮進賢達卒不能屈憲郭林宗曰叔度汪汪若千頃

波澄之不清撓之不濁不可量也漢書陸賈遊漢廷聲名籍甚注云籍甚猶言狼籍甚盛也

不求於

物遂被疾於孤醒

楚辭屈原漁父云衆人皆醉我獨醒是以見放唐孟郊詩醒獨竟何如無

乃寡俗偶大唐西域求法師高僧傳激揚清波耻汨泥而從俗獨醒在旦豈共醉而居昏不屈於人

終見排於群醜

王述離騷序醜物以比讒佞說苑趙簡子云美女者醜婦之仇也漢書王嬙字

昭君元帝宮人按圖召幸多賂畫工昭君自恃其貌不與及匈奴入朝選宮人配之昭君以貌醜當行入辭光

影射人天揚回三逐盛德宜收

說苑揚回見趙簡子曰臣居鄉三逐事君五去

聞君好張既十年公平可錄

魏志張既為安定太守理在郡十餘年政惠著聞

宜甄拔以勗朝班

珍羞一條

周官有籩人後漢有甘丞晉大官令有錫官果官北齊有肴藏令唐初因之後改為珍羞

置令丞  
各一人

珍羞令趙慶諸州所進口味割截餉送權門每得

好官衆共談薦名實相反深愧國章

趙慶佞媚為姿諂諛成性貪殘不軌獸中之有餓狼

毛詩

小序在位貪殘杜預左傳注器用不入法度則為不軌後漢仲長統云餓狼守庖厨輕薄無儀人

間之有狹鬼

荀子非相篇云鄉曲之儇子注云儇輕薄也朝野僉載唐蘇徽舉止輕薄郎中張元

一目為失窟鼠毛詩相鼠有皮人而無儀古今韻會舉倫獸名出南海外虎文龍爪食人楚辭以比暴虐之人

江淮果物荔枝龍眼之珍

南方草木狀龍眼樹如荔枝稍小荔枝過即龍眼熟魏文

帝詔群臣曰南方菓之珍異者有龍眼荔枝令歲貢  
馬道藏經老君所到天堂皆設蘭羞八徹靈芝珍果河

濟飴糖米漿馬鞍之妙

周禮兗州其川河濟異物志交趾所產蔗竿取汁如飴錫名之

曰糖爾雅米者謂之漿李巡注云米飯半生半熟為漿  
馬鞍未詳鄴中記索駝脊如馬鞍杜甫詩注駝脊上肉  
高如峯者味最美。漿音栢

石蜜百花之藥味是蜂調

南中八郡志文趾有甘蔗

窄取汁眼成飴入口消釋彼人謂之石蜜劉根墨子枕  
內記百花體者蜜張璠易注序蜜蜂以兼採為味郭璞  
蜜蜂賦繁布金房疊排

甘瓜五色之香美疑鶴集

史記邵平

種瓜長安城東瓜有五色甚美幽冥錄孫鍾至孝種瓜  
為業忽有少年乞瓜為鍾定墓地出門悉為白鶴

豹胎龍脅

六韜殷君陳玉杯象箸必將熊蹯豹胎孔煒七引龍脅之肪鳳趾之筋

鳳腊猩

脣

魏伯陽參同契麟鳳腊許慎說文腊乾肉也呂氏春秋肉之美者猩之脣越俗鳴蟬之稻

郭義恭廣志南方有鳴蟬稻七月熟安定噎鳩之麥吳均餅說安定噎鳩之麥洛陽董德之磨

趙趙雉伏

韓愈集足將進而趙趙韻會趙進貌韻府群玉鄭惜雉伏權門

謁宰輔之

車前

漢書袁盎道逢丞相申屠嘉下車拜謁

踉蹌蛇行

論語踉蹌如也戰會行而敬恭也戰

國策蘇秦過洛陽嫂蛇行匍伏鮑彪注云蛇不直行

拜公卿之馬首

論語出則事公卿左傳惟

余馬肯足瞻杜預注云言進退從已

諂事賈謚

晉書潘岳與石崇諂事賈謚每俟其出輒望塵百拜

阿附董賢

漢書孔光為丞相知上欲尊寵董賢下車拜謁不敢以賓客均敵之禮

徒有事

於苞苴

禮記曲禮云以苞苴問人注云問猶遺也苞苴裹魚肉或以葦或以茅故以物遺人皆曰苞苴

不自親於機杼

後漢書王舟友人喪親同郡陳遵購物甚豐舟乃懷一疋縑陳之於主人前曰

如舟此縑出自機杼道間有慙色

盜家財而餉家長人路難通

幽冥錄吳北寺

終祚道人鼠言奴名周者盜二十萬錢叛開庫實如所言也奴亦叛去

偷社酒而勸社神

冥途未許

海錄雜事李相濤春社詩云社公今日沒心情為乏治醵酒一瓶俗傳社日酒喫治耳聾

鼠竄求道小人引之以為能

史記蒯通曰奉頭鼠竄以歸漢王

狐媚取

容君子得之而不貴

晉書石勒曰不効狐媚取天下

宜從斥逐以肅群

寮

藉田一條

藉田者天子躬耕千畝使民如借故謂之藉田有句師漢始開藉田後闕晉復置江左省

至唐皆  
不聞焉

康儀令

唐制康儀令掌儀牲染盛屬太常卿

王堯上封事准禮諸侯

九推

禮記天子三推諸公五推卿諸侯九推

今之刺史古之諸侯

唐州

置刺史一員

無藉田處不可以訓農

漢書十志

漢書食貨志云馬遷作史是建八書班固廣之曰十志

農為有國之基

漢書文帝詔曰夫農天下之本也其藉田朕親率耕

洪範九疇

尚書洪範九疇

食是生人

之命

漢書食貨志云洪範八政一曰食尚書大傳八政何以先食食者萬物之始人之所本也范子計然

五穀者萬民之命國之重寶

由是古之聖帝躬事三推

禮記月令云元日祈穀於

上帝躬耕帝

藉天子三推

昔者明王親行萬乘

潘岳藉田賦俟萬乘之躬履李善注云侍

天子親履之

鼙鼓震地

毛詩鼙鼓達達李斯逐客書樹靈鼙之鼓梁武帝藉田詩伐鼓地未消

驚輿動天

師曠禽經驚瑞鳥張華注云周之文物大備法車之上綴以大鈴如驚之聲也後改為鑾

李陵與蘇武書雷鼓動天

聳鳳蓋以來雲

桓譚新論乘車玉爪華芝及鳳凰三蓋之屬班固東

都賦鳳蓋琴麗觀文帝祭嵩山文歸蓋如雲

建龍旂而拂日

毛詩龍旂陽陽鄭玄箋云交龍

為旂楚辭折若木以拂日

青壇岳立翠幕煙平

潘岳藉田賦青壇蔚其岳立翠幕酖以雲

布梁藉田儀注其田東去八里為千畝立方壇以祀先農鄭玄周禮注帷覆上曰幕

百司於是駿

奔國語土乃脉發先時九日王即齋宮百官御事

三公以之肅事

禮記帝藉三公五推紺

轅黛邦克遵應劭之儀

潘岳籍田賦紺繅綴於黛邦李善注云紺染青而楊赤色也邦

耒之金應劭漢官儀天子升壇公卿耕訖畜天下種凡稱藉田為千畝

綠耦朱紘允備曹

褒之禮

鄭玄論語注邦廣五寸二邦為耦禮記天子為藉千畝冕而朱紘東觀漢記曹褒常慕叔孫通

為漢禮儀禮儀志正月始耕有司請就耕位天子三公九卿諸侯百官以次耕

周宣王之寢廢

自有前譏

國語宣王即位不藉千畝虢文公諫之不聽師敗於姜戎

漢文帝之遵崇

斯為後則

漢書文帝感賈誼之言始開藉田置令丞

王堯職參廩署

文獻通考康鑑

署秦漢始置屬大司農

位掌甸師

周禮甸師掌耕藉王藉以時入之

欽承北極之

尊荆州星占北辰一名北極者紫宮天座也

祇奉東郊之典

初學記藉田亦曰東耕禮

記諸侯耕於東郊鄭玄注云東郊少陽諸侯象也○  
按王堯所奏今之刺史古之諸侯故特舉東郊事 欲

使載芟之詠無替於前修

毛詩小序載芟春藉田也鄭玄箋云載始也毛萇傳云除

草曰芟終饗藉田賦嘉載芟之千耦美振古之如茲

保介之客有崇於古訓

禮記月令

云元日祈穀於上帝天子親載耒耜措之於保介之御間鄭玄注云保介車右也置耒於車右與御者之間明已勸農非農者也人君之車必使勇士衣甲居右而參乘備非常也保衣也介甲也毛詩古訓是式 潘岳

創賦備陳執耒之端

潘岳藉田賦我皇乃降靈壇撫御耦抵塲染屨洪縻在手三推而舍

庶人終畝 曹植為文具述勤耘之美

曹植藉田論天子勤耘以收一國大夫勤耘以

取世祿 以今之刺史古之諸侯

白氏六帖刺史古諸侯曹周六代論今之州牧郡守

古之方伯諸侯事文類聚刺之為  
言猶參覘也唐州置刺史一員  
既稱字養之官

汲冢周書

成王曰朕不知字氏之道敬問  
伯父許氏說大字孔也愛也  
寔曰教人之首

岑文本  
籍田頌

寔是教資漢書刺史古之方伯上所委任一州表率  
白氏六帖刺史云建唐虞之官宜崇九牧播糞黃之政

必務若令勸沮  
左傳實罰無章何以沮  
勸毛萇詩傳沮止也  
必在躬親

毛詩  
弗躬

弗親庶民弗信此雖識於朝三猶未聞於暮四  
列子宋有養狙者與若茅朝三

暮四足乎衆狙怒朝祇若壇飛羽爵便為勸稼之方  
應璩

與滿公琰書羽爵飛騰師曠禽經戴勝布穀也張華  
注云農事方起此鳥飛鳴於桑間云五穀可布種也

門

列春牛即是趨農之候  
後漢書禮儀志云立春之日  
土牛耕人於門外以示兆民  
施

更施別法於是為煩

親蠶一條

禮記王后親蠶於北郊梁先蠶儀注親蠶太祝令質明以太牢祀先蠶

皇后親蠶諸侯之小君古者亦有蠶室今廢其事

不可以率下

此亦王亮封事

平土就蠶彰乎曩烈

尚書禹貢云桑土既蠶注云桑土宜桑之土既蠶者可以蠶桑也蠶

性惡濕故水退而後可蠶皇圖要記黃帝妃西陵氏始養蠶為絲

亘山成繭著自前書

崔豹古今注光武建武二年野蠶成繭被於山阜人收其利

爰崇黻冕之宜

論語致美乎黻

冕注云皆祭服也

遂展鞠衣之範

禮記季春之月天子乃薦鞠衣於上帝鄭玄注云鞠衣黃

桑之服孔穎達正義云

暨乎姑洗應律

鄭玄月令注李

色如鞠塵象桑葉始生

之律應國語姑洗

甲乙司辰鄭玄禮記注乙之言軌也

所以修潔百物

而出因以鳴鳩醉堪之朝

禮記月令云季春鳴鳩拂其

為日名焉

毛萇傳云鳩食桑搥

過則醉而傷其性戴勝降桑之日

注蠶將生之候戴勝織紉之鳥是時恒

在桑言降者若時始自天來重之也

為惟一十四位導其前

漢書帝母皇太后正嫡稱皇后

宮殿七子長使少使之號武帝加婕妤嫔娥容華充衣元帝

吉者便入

驚服斯臨

衛宏古文官書太常主導贊助祭皆

於燕室

平見七旒玄上纁下畫華蟲七章孔

安國尚書注華蟲維也孔穎達正義云周禮鷩鷩鷩鷩則堆馬堆五采畫於衣服百二十宮隨其

後周禮六官鄭玄注云王者后一宮三夫人一宮九嬪一宮二十七世婦一宮八十一御妻一宮凡百二十

人鷩鷩順動文獻通考後漢皇后出鷩乘鷩翠蓋鬱其

參差蔡邕獨斷天子車翠羽蓋鳳轄徐飛吳均續齊諧記漢宣帝以

上金鳳凰輦飛去至曉乃還翟羽紛其容裔沈約宋書太皇太后懿

筐是執柔桑是攀毛詩女執懿筐爰求柔桑皇后親蠶

周禮古今輿服雜記蠶儀注皇后躬桑始將一條執筐受桑勤以女兒之蠶馬縞中華古今

云女兒答曰太古時人遠征有女戲馬曰能迎父歸嫁注程雅問蠶何

汝馬去父乘之還馬見女輒怒父殺馬曝皮於庭皮起

抱女去化為蠶於樹今人以蠶為女兒蓋古之遺語也收其園客之繭神仙傳園客者濟陰

人嘗種五色香草忽有五色蛾集草上客收而荐之以布生華蠶馬至蠶時有一女自來助客養蠶得繭二十

枚大如瓊每一繭繅六七日繅三盆事畢禮記祭儀云乃畫繅訖此女與園客俱仙去

玄注云三盆可獻之於王公左傳可羞於王公六服功成周禮司服

掌王之六服可陳之於宗廟禮記月令云蠶事既登分繭稱絲效功以供郊廟之服昔

三王季末五霸凌遲禮樂自出於諸侯征伐不由於天

子孔安國論語注平王東遷周始微弱諸侯自作禮樂專行征伐遂令列國命婦竊三

宮之禮容連伯嬪嬙僭九重之秘式尚書大傳天子諸侯必有公采蠶室

就川而為之大昕之朝夫人浴種於川後漢書貴人  
勸蠶璆瑁加簪耳。按古禮如此何後世得竊效之聖

朝八紘同貫

揚雄解嘲耀八紘音義云八紘八方之網維也范甯穀梁傳序華戎同貫四海

為家

爾雅九夷八蠻六戎五狄謂之四海張衡西京賦方今掩四海而為家芟往帝之沈

風削前王之弊政

梁陸倕石闕銘歷代規模前王此故莫不芟夷剪截允執厥中自我

作古何禮之拘

張衡西京賦自君作故何禮之拘

化俗調亡斯為折中

王堯所請理未通方

唐書選士之通方

如愚所裁告記為允

導官一條

導官署即周官之春人歷代皆有唐置令丞掌春碾米麵油燭之事

導官署令姚泰盜用進米二十石上米倍四十五

價絹估三十價斷絞不伏

務農重穀曠代之懿典

毛詩小序駟頌僖公曰務農重穀孔穎達正義云其美政如此

稅熟貢新經邦之雅訓

周興嗣千文稅熟貢新注云古者公田上熟畝稅二升中熟畝

稅一升生貢君君先薦宗廟故曰貢新

金不可食輕瑞銑以投鼃

禮含文嘉金玉

帝王之瑞應兩雅黃金絕澤渭之銑燕丹子荆軻與太子遊東宮軻拾瓦投鼃太子奉金瓦進之鼃蛙同

玉不可衣弃和珍以抵鵲

韓非子和氏獻璧則足哭之王理其璞得寶遂命曰和氏

之璧漢桓寬鹽鐵論崑山以璞玉抵鳥鵲漢書晁錯曰珠玉金銀飢不可食寒不可衣

一日不作

天下受其饑

史記趙肅侯游大陵相諫曰耕事方急一日不作

士有當年而不耕者  
則天下或受其飢矣  
**三載斯盈海內霑其潤**  
禮記王制云三年耕

必有一年之食九年耕必有三年之食以  
三十年之通雖有凶旱水溢民無菜色  
**磨蜃而耨**  
淮南

子古者磨蜃而耨  
大蛤也唐令利用之耨  
**百穀所以繁滋**  
揚衆物理論梁者黍稷之

總名稻者溉種之總名菽者衆豆之總名三穀各二十  
種為六十畝果之屬助穀各二十凡為百穀故詩曰播

厥百穀者穀衆  
種之大名也  
**驅象而耕**  
帝王世紀舜莖蒼梧下有群象為之耕  
**三農以**

**之告稔**  
周禮三農生九穀注  
**彩鷄屢見非無白壤之儀**

師曠禽經首有彩毛曰山鷄張華注云尾長珍護之雨則避於岩石之下久雨亦不出而求食○予按彩鷄久

雨不出今日屢見則非恒雨也尚書禹貢云冀州厥土惟白壤注云無塊曰壤晉虛譙詩悠悠方儀廓李善注

云天地曰兩儀故曰方儀

春鳥不鳴自有黃雲之應

臨海異物志題鴉一名田鵲春

三月鳴晝夜不止常麥熟鳴乃止。鳥不鳴而黃雲應言麥將熟也古詩云割盡黃雲稻始青是也東方朔傳

凡占長吏東耕視天有黃雲來如姚泰策名列署受委覆車五穀大熟豐年也錄備一說

導官

按秦漢始置導官署導擇也

專司瑞鵲之禾

許氏說文禾嘉穀也粟嘉穀實也王

子年拾遺記員嶠之山名環邱多大鵲銜採不周之粟於環邱之上粟生穗高五丈其粟皎然如玉也

實

主鳴蟬之稻

郭義恭廣志南方有鳴蟬稻七月熟

赤鳥集耨水粟千倉

伏侯

古今注所謂赤鳥日中三足鳥之精降而生

黃雀隨犁

秋田萬畝

泰山松後漢書陳介學尚書躬自耕種常有黃雀飛來隨介翔翔

五種燕頤

之粲

有禮豫州并州宜五種郭義恭廣志黍有燕領之名毛萇詩傳粲粟之精鑿者

粒若流珠

抱朴子黃帝列鼎湖而飛流珠

六月翟白之租

郭義恭廣志梁禾莫生粉白如麵六月種九月

熟又云青芋稻六月熟按翟雉也翟白謂色如白雉也說文租田賦也一曰畜也

精如散玉

莊子

簡米曰精王子年拾遺記 豈得安定之麥不進中宮

梁

環邱有粟其粒皎然如玉

長安之米竊留私室

漢書東方朔曰如以臣言無可用之宜捐

棄無空索 刑名極峻法焉可逃情狀難容死有餘譴但

平賊定律必依高估供進所須宜從極價


唐書陸長源高監賈賤帛

估五代史漢王章命有司高估其價價定又增謂之擡估 論次嫌則狀當絞坐準

勾盾一條

張衡東京賦奇樹珍果勾盾所職薛綜注云勾盾官主小苑口予按漢有勾盾令典苑園

之事唐置勾盾署令二人丞四人掌薪炭鵝鴨藪澤之物又按此判舊本標題總曰導官勾盾二條導官判具於右勾盾判原缺惜不得蒐全集補入姑錄其名以竢焉



龍筋鳳髓判卷四